



類函 百九七



四百四十鱗介
四百四一鱗介
四百四

13
427
197



明 4. 3
新 卷

新 念 圖 書

此係明治八年八月廿八日
所購山田一人資
以贈

新 念 圖 書



淵鑑類函卷四百四十

鱗介部四龜

龜一

原爾雅曰龜三足曰賁龜俯者靈仰者謝前弁諸果後

弁諸獵左倪不類右倪不若一曰神龜二曰靈龜三曰

攝龜小龜也腹甲曲折解能自張閉也四曰寶龜五曰文龜六曰著龜

七曰山龜八曰澤龜九曰水龜十曰火龜 易曰離為

龜 尚書曰九江納錫大龜 周官曰龜人掌六龜之

屬各有名物天龜曰靈屬地龜曰繆屬東龜曰果屬西

龜曰靄屬南龜曰獵屬北龜曰若屬各以方色與其體

鱗介部

淵鑑類函卷四百四十

龜

辨之屬言非一也色謂天龜黝地龜黃東方色凡取龜用秋
時攻龜用春時各以其方入於龜室六龜各異室上春釁龜
祭祀先卜曰大戴禮曰甲蟲三百六十而神龜為之長
洛書曰靈龜者黝文五色神靈之精也能見存亡明
於吉凶洪範五行曰龜之言久也千歲而靈此禽獸
而知吉凶者也禮統曰神龜之象上圓法天下方法
地背上有盤法丘山黝文交錯以成列宿五光昭若黝
錦文轉運應四時長尺二寸明吉凶不言而信逸禮
曰天子龜尺二寸諸侯八寸大夫六寸士民四寸龜者
陰蟲之老也龜三千歲游於卷耳之上老者先知故君

子舉事必考之禮斗威儀曰君乘土而王則龜被文
而見春秋運斗樞玉衡星得百獸率舞靈龜躍又
瑤光星散為龜孫氏瑞應圖曰龜者神異之介蟲也
黝采五色上隆象天下平象地生三百歲遊於蓮葉之
上三千歲尚在叢著之下明吉凶不偏不黨唯義是從
王者無偏無黨尊用者老不失故舊則出一本曰德澤
湛漬漁獵從時則出又禹畀宮室則出文王時亦出
史記曰余至江南聞長老云龜千歲乃遊蓮葉之上
又南方老人以龜摺牀足經二十餘歲老人死移牀
龜尚生龜能行氣導引至神若此又褚先生曰能得

名龜財物歸之家必大富至千萬一曰北斗龜二曰南
辰龜三曰五星龜四曰八風龜五曰二十八宿龜六曰
日月龜七曰玉龜八曰九州龜凡八名其龜圖各有文
在腹下文曰某之龜也不必滿尺二寸得七八寸可寶
矣又曰上有禱古禱字著下有神龜著生滿百莖者其
下常有神龜守之其上有青雲覆之增宋瑞符志曰
元龜書者天符也王者德至淵泉則洛出龜書原列
子曰渤海之東有壑焉其中有山無所連著常隨波上
下往還不得暫時焉仙聖毒之訴於上帝帝恐流於西
極失羣聖之居使巨鼈十五舉首而戴之往為三番六

萬歲一交焉五山始峙而不動龍伯之國有大人舉足
不盈數十步而暨五山之所一釣而連六鼈合負而趨
歸其國灼其骨以數焉管子曰龜生於水發之於火
故為萬物先為禍福正增韓子曰龜背微偃謂之穹
龜淮南子曰龜三千歲蜉蝣不過三日以蜉蝣而為
龜憂養生之具人必笑之又介潭生先龍先龍生黝
龜黝龜生庶龜凡介者生於庶龜原抱朴子曰巢記
千歲之龜五色具焉其額上兩骨起似角解人言浮出
蓮葉之上或在叢著之下其上或時有白雲蟠蛇龜蛇
潛蟄則食氣夏恣口而甚瘦冬穴蟄而大肥增又曰

鱗介部

游龜卷四十四

龜

三

山中稱時君者龜也。金樓子曰黃金滿筥不以投龜。又曰中文名曰千里其通首橫文之第一級左右有斜理皆接於千里者龜王之文也。草木子曰介蟲有螯龜鼈是也。原說苑曰靈龜五色色似玉背陰而負陽上隆象天下平法地轉運應四時蛇頭龍頸左睛象日右睛象月知存亡吉凶之變。又龜千歲能與人言。博物志曰大要龜鼈之類無雄與蛇通氣則孕龜鼈皆卵生。古今注曰千歲之龜常有白氣冉冉而起星經曰天龜五星在南漢中。本草曰山龜之大者人立背上可負而行元中記曰東南之大者巨鼈焉以

背負蓬萊山周廻千里巨鼈巨龜也。增化書曰牝牡之道龜龜相顧神交也龜雖與蛇合亦有以神交者。白孔六帖曰龜百歲一尾千歲十尾二百歲為一總龜千歲曰五總龜千歲一聚問無不知。原柳氏龜經曰龜一千二百歲可卜天地之終始何以言之三千四十二占於天地千歲之龜甲黑。增又欲知龜有神視骨白如銀。又曰夫龜甲黃足赤眼白尾青腹黑者蓋稟受乎五行之粹也然而性畏刀鐵之器聞其聲則不能動矣。埤雅廣要類從云龜不咽粟蓋龜善藏久能行氣導引。又龜背微坼如鈹剝故莊子云宋人有善為

不龜手之藥也。又龜有靈德，伏匿而噓，善潛而不志於養，故古者簠簋皆為龜形於其上，而大臣貪墨坐廢者曰簠簋不飭也。緯略曰：元武即龜之異名，龜水族也。水屬北，其色黑，故曰元龜。有甲能捍禦，故曰武。世人不知，乃以元武為龜蛇二物。蠡海集曰：龜之前爪五指，陽也；後爪四指，陰也。故為陰陽之大用。或曰：前五後四五，湖四海也。詩經名物解曰：龜蛇伏氣，首皆向東。又龜咽日氣而壽，故養生者服日華。又瘞龜板於棗根，可以召雷。周處風土記曰：江南五月五日煮肥龜入鹽豉蒜蓼食之，名曰菹龜，取陰內陽外之義。述

異記曰：龜一千年生毛，壽五千歲，謂之神龜，壽萬年曰靈龜。膠葛曰：龜一千年者能至蓬萊山下覓仙人洗丹鼎水服之，輒生翅能飛，變化不測。嵩高山記曰：有大松樹或百歲或千年，其精化為伏龜。錄異記曰：道州營陵中龜甲長八尺，下自然有文字，前後四足各踏一龜，有時行或踰山越水，眾莫敢犯。南越志曰：龜甲一名神屋，出南海生池澤中，吳越謂之元佇，神龍大如拳而色如金，上甲兩邊如鋸齒，爪至利而能緣大木，捕鳴蟬至美，可食不中於卜，以其小故也。涪陵大龜文似瑋瑁，俗號曰靈龜。增象山縣志曰：象山東攝潭產鶴

龜其甲尺許嘴如鸚鵡尾長七八寸鱗甲炯然 元和
 郡縣志曰海陽以南濱大海得名有官鄣湖出名龜以
 卜勝於含涯龜也 寰宇記曰惠州海豐海中有巨龜
 不知幾千里今渡海往往見巨龜在海嶼間背上生樹
 木如沙島昔有商者或依以採薪及作食龜既熱便入
 海於是死者輒數十人然後知為龜也 孫公談圃曰
 高麗東海洋龍宮之寶藏所也雖無風亦有浪使人過
 此舟前大龜如室兩目如巨燭光耀沙上舟人以此卜
 之見則無虞也 拾遺記曰負嶠山西有星池千里池
 中有神龜八足六眼背負七星日月八方之圖腹有五

岳四瀆之象時出石上望之煌煌如列星 **原**廣志曰

背茲維蠓夷住形如龜出交州山龜在山食草長尺餘

增本草曰蠓蠓甲可以卜俗謂之茲夷蓋山龜之大

者背上可負而行潮循之間甚多龜為人執剔取其肉

則鳴吼如牛聲動山谷 又鸚龜生高山巖下身扁頭

大嘴如鸚鳥故名能治老瘡故又曰瘡龜 又鼃龜生

海中頭足不能縮大者重千斤 水土風物志形薄山

海經曰憲翼之水其中多元龜狀如龜而鳥首虺尾其

名曰旋龜音如剖木佩之不聾 又密山洛水亦有旋

龜鳥首鼈尾 曹植七啓曰攀芳苓之巢龜 蘇軾詩

曰失若龜藏六雅俗稽言謂縮其頭足尾也又曰刮毛龜背上何日得成種 葉適詩曰龜潛終不慕芳甘

龜二

增禮含文嘉曰伏羲德洽上下地應以龜畫 **原**黃帝出軍訣曰帝伐蚩尤睡夢西王母遣道人披黑狐之裘以符授之曰太乙在前天乙備後河出符信戰即尅矣黃帝寤思其符不能悉憶以告風后力牧風后力牧曰此兵應也戰必自勝力牧與黃帝俱到盛水之側立壇祭以太牢有元龜銜符從水中出置壇中而去黃帝再拜稽首受符視之乃所夢得符也廣三寸長一尺於是

黃帝佩之以征即日擒蚩尤 **增**水經注曰黃帝東巡

河過洛修壇沈璧受龍圖於河龜書於洛赤文篆字

原尚書中候曰堯沈璧於洛元龜負書出於背甲赤文

朱字止壇又沈璧於河黑龜出赤文題 龍魚河圖曰

堯時與羣臣賢智到翠瀉之川大龜負圖來投堯堯敕

臣下寫取告瑞應寫畢龜還水中 **增**述異記曰陶唐

之世越裳國獻千歲神龜方三尺餘背上有文皆蝌蚪

書記開闢以來帝命錄之謂之龜曆 洛陽記曰禹時

有神龜於洛水負文列於背以授禹文即治水文也

拾遺記曰禹導川夷嶽黃龍曳尾於前元龜負青泥於

後元龜河精之使者也龜額下有印文皆古篆字作九州山川之字禹所鑿之處皆以青泥封記 述異記曰殷紂時大龜生毛 **原**尚書中候曰周公攝政七年制禮作樂成王觀於洛沈璧禮畢王退有元龜青純蒼光背甲刻書上躋於壇赤文成字周公寫之 左傳曰臧武仲自邾使告臧賈且致大蔡焉曰紂之不祀子以大蔡納請其可賈再拜受龜 莊子曰宋元君夜夢有人披髮言曰予爲清江使河伯漁者豫且得予元君覺召占夢者占之曰此神龜也明日豫且網得白龜圓五尺獻乃殺以卜七十鑽而無遺策仲尼聞之曰神能見夢

於元君而不能避豫且之網智能七十鑽而無遺策不能避剗剔之患 又曰莊子釣於濮水楚王使大夫二人往先焉曰願以境內累子莊子持竿不顧曰吾聞楚有神龜巾笥而藏之廟堂之上此龜者寧其爲留骨而貴乎寧其生而曳尾於塗中乎二大夫曰寧生而曳尾于塗中莊子曰往矣吾將曳尾於塗中 **晉**華陽國志曰秦惠王十二年張儀司馬錯破蜀克之因築城城終頽壞後有一大龜從硎而出周行旋走乃依龜行所築之乃成 **原**符子曰邦人獻燕昭王以大豕者曰於今百二十歲邦人謂之豕仙其羣臣言於昭王曰是豕無

用王命宰夫膳之豕既死乃見夢於燕相曰今仗君之靈而化吾生也始得為魯津之伯而浮舟者食我粳糧之珍而欣君之惠將報子焉後燕相遊於魯津有赤龜銜夜光而獻之 **增**洞冥記曰元封二年鄴過國獻能言龜一頭長尺二寸盛以青玉匣中豁一孔以通氣東方朔曰惟承桂露以飲之置於通風之臺上往卜言無不中 **原**魏略曰文帝欲受禪神龜出於靈池 **增**抱朴子曰邾儉少時行獵隨空塚中飢餓見塚中有大龜數數迴轉所向無常張目通氣或俛或伏素聞龜能導引乃試隨其所為遂不復飢百餘日後竟能咽氣斷穀

魏王棄置土室中試之一年不食顏色悅懌氣力自若

原異苑曰孫權時永康有人入山遇一大龜即束之歸龜便言曰遊不量時為君所得人甚怪之載出欲上吳王夜泊越里纜船於大桑樹宵中樹呼龜曰勞乎元緒奚事爾耶龜曰我被拘繫方見烹臠雖盡南山之樵不能潰我樹曰諸葛元遜博識必致相苦今求如我之徒計從安薄龜曰子明無多辭禍將及爾樹寂而止既至權命煮之焚柴萬車語猶如故諸葛恪曰燃以老桑乃熟獻者乃說龜樹共言權登使伐樹煮龜立爛今烹龜猶多用桑薪野人故呼龜為元緒 **增**宋志曰晉長

沙王又坐同產兄楚王瑋事徙封常山後還復國在常山穿井入地四丈得白玉方三四尺玉下有大石其中有龜長二尺餘時人以為復國之祥 晉起居注曰永嘉六年玉龜出灞水 **原**會稽後賢傳曰孔愉字敬康嘗至吳興縣餘不亭見人籠龜於路愉求買放之至水反顧 晉書中流左顧愉及封此亭侯而鑄印龜首迴屈三鑄不正有似昔龜左顧靈德感應如此愉悟乃取而佩焉 **增**顏真卿石柱記曰餘不亭侯孔愉墓在城下古木數株堅如鐵石故老相傳云愉卒後龜銜巢木植于此至今號龜銜樹溪名龜溪橋曰龜回橋 **原**續搜神記曰

晉咸康中豫州刺史毛寶戍邾城有一軍人於武昌市買得一白龜長五寸置甕中養之漸大放江中後邾城遭石氏敗赴江者莫不沈溺所養龜人被甲投水中覺隨一石上須臾視之乃是先放白龜既約岸迴顧而去 **增**車頻秦書曰苻堅建元十二年高陵縣民穿井得龜大三尺背文負八卦古字堅命以石為池養之十六年而死藏其骨於太廟以問吉凶名為寶龜是夜廟丞高虜夢龜言曰我出將歸江南遭時不遇殞命秦庭虜於夢中自解曰龜三萬六千歲而終終必亡國之徵也未幾為謝幼度破於淮淝秦祚息矣 宋志曰泰始二

年八月丙寅六眼龜見東陽長山文如爻卦太守劉勰以獻原南齊書曰永明年唐潛獻青毛神龜一頭增又長山縣王惠獲六目龜一頭腹下有萬歡字并有卦兆又建城縣昌城內獲四目龜腹下有萬齊字梁書曰元帝為江州刺史時有安成望族劉敬躬者田間得白蛆化為金龜將銷之生光照室敬躬以為神而禱之所請多驗也鼎錄曰梁天監二年安豐得一角龜武帝遂作一鼎投得龜處陳書曰宣章皇后母遇道士以水龜遺之光采五色曰三年有徵及暮后生紫光照室因失龜所在獨異志曰陳宣帝時揚州嚴泰江

行逢漁舟有龜五十泰用錢五千贖放之行數十步漁舟乃覆其夕有烏衣人五十扣泰門謂其父母曰賢郎附錢五千可領之父母雖受錢怪其無因及泰歸問乃說贖龜之異因以其居為寺里人號曰嚴法寺北齊書曰陸法和嘗至襄陽城北大樹下畫地方二尺令弟子掘之得一龜長尺半以杖扣之曰汝欲出不得已數百歲不逢我豈見天日乎為授三歸龜乃入草隋志曰開皇中掖庭每夜有人來挑宮人宮司以聞帝曰門衛甚嚴人何從而入當是妖精耳因戒宮人曰若遇但斫之其後有物如人夜來登牀宮人抽刀斫之若中枯

骨其物落牀而走宮人逐之因入池而沒明日帝令涸池得一龜徑尺餘其上有刀迹殺之遂絕 錄異記曰武德末太宗平內難苑中池內有白龜遊於荷葉之上太宗取之化為白石瑩潔如玉故登極之後降制曰皇天眷祐錫以寶龜 朝野僉載曰偽周武姓元武龜名故以銅為龜符 又襄州胡延慶得一龜以丹漆書其腹曰天子萬萬年以進之鳳閣侍郎李昭德以刀刮之並盡奏請付法則天曰此非惡心也捨而弗問 錄異記曰唐明皇嘗有方士獻一小龜徑寸而金色可愛云此龜神明而不食可置之枕筒之中辟巨蛇之毒後有

小黃門竄南徼者上以賜之至象郡屬邑於旅館出之階下果祛報冤蛇之毒於一方云 異聞集曰王勣遊嵩山少室遇日暮止一石室中月夜有人面潤白鬚眉長黑而矮稱毛生與勣談議勣疑怪取鏡照之其人失聲俯伏化而為龜身帶綠毛焉 唐書曰建中三年趙州寧晉縣沙河北有棠樹甚茂民祠之為神有蛇數百千自東西來趨北岸者聚棠樹下為二積留南岸者為一積俄有三徑寸龜繞蛇行積蛇盡死而後各登其積野人以告蛇腹各有瘡若矢所中刺史康日知圖其事奉三龜來獻 酉陽雜俎曰貞元末福州有邨人賣一

龍龜其數十三販藥人徐仲以五錢獲之邨人云此眚
龜不可殺徐置庭中一龜籍龜而行八龜為導悉大六
寸徐遂放于乾元寺後林中一夕而失 梁書曰朱友
貞末年許州獻綠毛龜以為瑞因宮中造室以居之目
為龜堂 傅亮靈應錄曰智鈞大師說天福中安吉有
邨姬好放生因潦水有一龜長尺餘從門入姬令其子
放之瀆中龜又上岍沿回田畦間墜一深穴姬子曰本
放爾命却落于此中攘辭取之龜不復見探得白金二
錠莫知其由 嘉興志曰晉成帝時尚書徐恬因夜井
發光遂奏請捨宅為寺賜名靈光錢文穆王時立山門

掘地得一小龜介甲分明尾繞身一匝遂改靈龜寺
玉海曰祥符五年三月兗州獻金色龜一 又嘉祐八
年十月鼎州芝草叢生下得異龜 游宦紀聞曰東坡
謁呂文仲值其晝寢久之方出見便坐有菖陽盆養綠
毛龜坡指曰此易得耳唐莊宗時有進六目龜者敬新
磨口號云不要鬧不要鬧聽取龜兒口號六隻眼兒睡
一覺抵別人三覺似寓言以諷呂 宋志曰大觀元年
閏十月丙戌成都水使者趙霖得龜兩首於黃河獻以為
瑞蔡京曰此齊小白所謂罔象見之而霸者也鄭居中
曰首豈有二帝命棄之金明池 寓簡曰路允迪公弼

明吉凶 助哀老

吉日別取腹下甲龜千歲乃滿
尺二寸取前足臍也謂甲為千歲龜青鬚明吉凶也
傳龜青純純也謂甲為千歲龜青鬚明吉凶也
記江旁有人家嘗畜龜為能導引致氣有益於助哀老

生神物 遺大寶 天書寧王遺我大寶龜也 非所得

不宜殺 貨殖傳曰近世江上人為蔡非四民所得居 龜策

教殺之龜見夢曰送我水中後終殺之身死 負圖

祀骨 孫氏瑞應圖王者德至川泉則元龜負圖 增天

產 人用 白虎通曰龜象也天產也著數也 辟塵

游焰 一統志蘄州出龜有綠毛浮水中則毛自泛起歷

耳息 胃鳴 能導引道龜雖有真而息以耳心性

卜人定 諸侯寶 禮記王藻卜人定龜史定

各宜用也 又禮 曳尾 脫筒 黃山谷云生龜脫

器諸侯以龜為寶 難捨如生龜難脫其殼也 遺甲 望卯 龜不自棄文食

遺也 南人用之 以占年 堦雅廣要 甲蛇 食蟒 俗

精言攝龜要食蛇謂之甲蛇 龜江東呼為陵龜或言蛇

所化故頭尾似蛇俗呼龜 雲溪友議李筌注陰符

經次禽之制在氣 樽然不解忽夢烏衣人教之曰元龜

食蟒 飛鼠 斷猿 狼 蟲 齧 鶴 青 要 食 虎 皆 以 小 制 大 在 氣

不在 遊草葉 食竹萌 論衡龜二百歲則青邊有距

形 本草秦龜不入水 爾雅所謂山龜是也 大者如 季秋

碑 跌食草根 竹萌 冬月藏土中 至春出遊山谷

登 上春釁 月令季秋登龜取龜 兩首 六足 上詳

宋志 大明會典 畜盆池 戲衣袖 夷堅志 呂德卿

遲 國獻六足龜 於盆池中久而甚馴 每至日午以小竹杖擊水面必應

聲而出 即就杖頭插生猪肉數小齋飼之 食盡復入凡

鱗介部 州監領函卷四百四十一 龜

如車輪 陰瓦影 獨為蔡謨所憐公嘗令人捕魚獲龜
如車輪公付廚帳下倒懸龜著屋蒙其久纔眠即厭如
此累夜公問而問蒙何故厥答云眠輒夢人倒懸已公
慮命下龜乃於地於龜所果倒懸乃去 異錄志載韓
愈去人之求庇於人謂瓦影龜魚注湖上新亭最好日
出之初紋漾日影浮於枕簾瓦影龜魚注湖上新亭最好日
亦猶龜魚之求庇於人謂瓦影龜魚注湖上新亭最好日
於瓦影之下 廣南將渡小海從者於淺中得一琉璃瓶
太尉彥若赴廣南將渡小海從者於淺中得一琉璃瓶
中有一龜長可寸許轉不傳而瓶極細不知何自
而入取置舟中其夕忽覺舟偏動視之則眾龜層疊就
船而上其人懼而取瓶投之眾龜遂散既而話于海船

川金卷之四十四

胡人曰此乃龜寶也苟得而
藏于家何慮寶藏之不豐哉
西陽雜俎術士王瓊取一瓦
置地成龜真龜經數日成瓦
之即成龜煮之可食腹藏皆
具杯成龜殼煮取肉還成杯
上詳龜二太平御覽九江記
里推敬時江水暴溢居者皆漂
龜至其前舉家七口俱上龜背
行上餘里及一高岸龜遂去之
殼洞冥記黃安代郡人也常服
氏始造網罟有出龜頭授我龜
光二造網罟有出龜頭授我龜
負龜而趨世謂黃安萬歲龜
教遊北海上見若士踞龜殼而
居鵲尾 經上詳龜一抱朴子
照則溺 江隣幾雜志容有投縉
鱗介部 鱗羞鬻甚美但訝其無
鱗 鱗羞鬻甚美但訝其無

王瓊畫瓦 子融咒杯

郟儉不飢 留京免溺

黃安坐背 若士踞

泥裹而肥 鏡

解人言

鱗

十團大如岳問其徒即向所食者在其中取龜以黃泥
 裏之石腦取法置雄龜磁盎中及小盤于龜後以鏡
 照之龜見鏡中影則淫發而失溺急以荷葉乘之
 肉外骨背陰負陽與蛇為匹故龜與蛇合謂之元武
 一說下詳龜挑宮人化女子錄上詳宮二階書幽怪
 有人採蓮喧笑聲交乃斷柳枝叢蓮身視之忽見十餘女
 子從一華林而出皆衣青綠入叢蓮相對而歌乃掉舟
 以通之諸女皆綠衣使者洞幽先生州大如五銖
 化為龜入水線脊骨三稜底甲如象牙色俗名綠衣使
 者置瓦間有告者曰蛇蠅顯異錄張鉦見巴西侯飲酒命
 樂長而身其廣揖之與坐曰席上人將有圖君巴西怒
 曰歡宴方洽何遽有怪命殺之乃向所殺洞幽先生也
 石龜中一龜形甚巨死於龜前乃向所殺洞幽先生也
 玉靈夫子通幽博士子史記灼龜祝曰假之玉靈夫也

先勝而族上行于天下行于淵諸靈數劓莫如汝信
 毛大矣宜授負閣戴山文苑彙雋徐瑞忽空時被水
 通幽博士負閣戴山文苑彙雋徐瑞忽空時被水
 聲曰徐瑞真宰相可護持之時有龜數百負閣壽考
 物先知君物也望曰龜能息下詳龜一列子壽考
 放銀坑石林詩話趙清獻公平生畜雷氏琴一張鶴
 以之自隨元豐間既罷政事復自越再移蜀過泗州渡
 淮如歸去龜鶴至是復以龜投淮水故其詩有馬尋舊
 路如歸去龜鶴至是復以龜投淮水故其詩有馬尋舊
 郡官畢賀州刺史有下僚于歲使君謝已非其人自騎馬
 送龜至坑所後得此龜壽千歲司之官屬山水泛溢處
 地盡沒坑所後得此龜壽千歲司之官屬山水泛溢處
 歷十餘家得免水難彥回夢龜引路昔在銀坑蒙先使君
 之惠故文滋六彩兆成三吉甲耀金毛文滋六彩
 此報恩文滋六彩兆成三吉甲耀金毛文滋六彩
 介部崇監類考卷四十四

李嶠表

龜四

原 僂句 左傳僂句不予 封父 封父之器國名也天子昭兆

靈龜名左傳 藏則不靈 龜已則棄去以為龜藏則不

成之昭兆則不神至 懸之不惑 室詳懸 介蟲之長 水

周室寶藏著龜也 蔡論語臧文仲居蔡何如其知也注 舍

族之靈 居蔡 蔡國君之守龜龜出蔡地因名也注 舍

龜 易含爾靈龜注 元物 介物 增六眼龜 符玉海祥

閏十月巳丑新州獻廬江六眼龜至道丁巳永州言零

陵得六眸龜一以獻詔示近臣 遊官紀聞嶺海雜記

載六目龜出欽州只兩眼餘四目乃斑紋金黃花園長

也 中黑與真目排比正不偏仔細辨認方知為非真目

也 四眼龜 齊志明五年六月建城獲四目龜

眼龜 宋志太始六年九月始豐獲八眼龜 毛龜 玉海

十九年二月岳州獻大曆八年七月蓬萊池獲毛龜

有百僚見毛龜作神龜曲至道三年五月壽州貢綠毛龜

一帝曰龜有毛者文治之兆祥符三年四月宜聖殿池

獲綠毛龜示輔臣帝作七言詩近臣和七年正月丙辰

明州獻金龜 白龜 宋志文帝三獲白龜於大明四年

青文龜 蘇州貢白龜 玉龜 玉海天寶元年正月安西都護

龜作白龜曲 白龜 玉龜 田仁琬於于闐東玉河獲瑞玉

龜一 金龜 夢溪筆談祥符中方士王捷能作黃金上

以獻 金龜 尚方鑄為金龜以賜近臣 洪州李質夫

家有一枚乃其伯祖虞已所得者其龜夜 石龜 廣雅

蜀中江產石龜然有光掩之則無所得 夜 石龜 廣雅

覓信手捫于水底即或得之者即不可得 脫無心求

無異其背仍有一蛇盤于甲中即使玉工雕 冰龜 宋

琢仍不若也其地今有佑聖高真遺像存焉 冰龜 宋

介部 尚盤頰函卷四百四十一 龜

七

與中汴京大雷雨下冰龜數十里隨大小皆龜形具首
足卦文金志大會四年汴都太康縣一夕大雷雨下
冰龜百數十里龜大小
不等首足卦文皆異
火龜郭璞爾雅注火龜猶火
鼠耳物有舍異者不可
推也

龜五

原詩北齊趙宗儒詠龜詩曰有靈堪託夢無心解自謀
不能著下伏強從蓮上游負圖非所冀支牀空見留儻
蒙一曳尾當為屢迴頭 **增**唐王績詩曰寶龜尺二寸
由來宅深水浮遊五湖內宛轉三江裏何不深復深輕
然至溱洧溱洧源流狹春秋不濡軌漁人遞往還網罟
相縈囁一朝失運會剗腸流血死豐骨輸廟堂鮮腴藉

珍筮棄置誰怨尤自我招此否餘靈寄明卜復來欽所
履 丁澤龜負圖詩曰天意將垂象神龜出負圖五方
行有配八卦義寧孤作瑞旌君德披文叶帝謨乘流喜
得路逢暉幸存軀蓮葉池通泛桃花水自浮還尋九江
去安肯曳泥塗 宋王安石詩曰世傳一尾龜百齡此
龜但見隋唐興雖然天幸免焦灼想屢縮頸愁嚴凝前
年赴海不量力欲替鼈負三朔增番禹使君邂逅見知
困波蕩因嗟矜疾呼豫且設網取以組貫首輻穿繩北
歸與俱度大庾兩夫鼈鼈苦不勝艤船秦淮擔送我云
此一可當十朋昔人寶龜為神物奉事槁骨尤兢兢殘

民滅國遞爭奪有此乃敢司黎蒸於是觀甲別貴賤太
上藏法傳昆仍豈知元君預見夢初知歡喜得未曾自
從九江納錫罷衆漁賤棄秋不登卜人官廢亦已久果
獵誰復知殊稱今君此寶世莫識我以坐視心膏曹措
牀那堪比瓦礫當粟孰肯捐斗升糝頭腥臊何足嗜曳
尾污穢適可憎盛洩除聾豈必驗蹈背出險安敢憑剗
腸以占幸無事卷殼而食病未能如聞翁息可視効往
乃有隋崖千層仰窺朝陽俯引氣亦得難老如岡陵諒
能學此真壽類世論妄以蟲疑冰嗟余老矣倦呼吸起
宴光景猶難承但知古人所玩惜每戒異物相侵凌唯

憂盜賊今好卜夜半劫請無威懲復恐讒夫負之走并
竊老桑爲薪蒸淺樊荒圃不可保守視且寄鍾山僧
張耒詩曰映日漾晴淵沿沙曝黝甲愛爾千歲姿藏身
一蓮葉 李之儀詩曰翠蓋相扶兩不欹多情獨許見
陽窺千年自有逃形處聊與清香暫約時 梅堯臣詩
曰王府有寶龜名存骨未朽初爲清江使因落豫且手
白玉刻佩章黃金鑄印鈕辭聘彼莊生曳塗誠自有
蘇軾詩半脫蓮房露壓欹綠荷深處有游龜只應翡翠
蘭苔上獨見元夫曝日時

賦 魏曹植神龜賦曰龜號千歲時有遺余龜者數日

介部

附錄頤頤卷四百四十

龜

三

而死肌肉消盡唯甲存焉余感而賦之曰嘉四靈之建
德各潛位乎一方蒼龍虬於東岳白虎嘯於西岡元武
集於塞門朱雀棲於南鄉順仁風以消息應時而後
翔嗟神龜之奇物體乾坤之自然下夷方以則地上規
隆而法天順陰陽以呼吸藏景曜於重泉食飛塵以實
氣飲不竭於朝露步容趾以俯仰時鸞迴以鶴顧忽萬
載而不恤周無疆於太素感白龍之翔翦卒不免乎豫
且雖見珍於宗廟罹剝削之重辜欲愬怨於上帝將等
愧乎游魚懼沈泥之逢殆赴芳蓮以巢居安黜雲而好
靜不汪翔而改度昔嚴周之抗節援斯靈而託喻嗟祿

運之屯蹇終遇獲於江濱歸籠檻以幽處遭淳美之仁
人晝瞻顧而終日夕撫順以接晨邁淫災以隕越命勦
絕而不振天道昧而未分神明幽而難燭黃氏沒於空
澤松喬化於株木蛇折鱗於平臯龍蛻骨於深谷亮物
類之變化疑斯靈之解殼

贊晉郭璞爾雅龜贊曰天生神物十朋之龜或游於
火或游於著雖云類殊象二一歸亶亶致用極數盡幾
曹李之儀贊曰鱗介所宗壽無與京納錫以薦曳尾
而行與其託之于死骨孰若遂性以爲生余私淑諸莊
子蓋將卒歲以沈冥

表吳謝承表曰伏覩靈龜出於會稽章安臣聞靈龜告符五色粲章則金則玉背陰向陽 梁劉孝儀為始興王上毛龜表曰臣聞嘉瑞五靈既著方策故名千載可得而傳是以元蔡赤文來表軒黃之政神龜青純用顯姬公之德出自江安實荷謙夷之慶甲生毳羽寧非銷鎬之徵實皇家之巨瑞庶民之休幸 **增**唐李嶠表曰五氣殊方元龜列于元武四靈異稟神蔡遊於紫泉用能藏往知來發祚祥暉大禹之永終天祿文薦九疇隆姬之乃命帝庭兆言三吉永言祕寶錄存縑簡伏見錢唐人聶幹於市內水中獲毛龜一枚修尾長頭黝甲

綠毳名掩于楚宗狀奇于靈繹雖六眸在首未足尚其禎祥五色成文詎能齊其詭異伏叢著而自久下芳蓮而暫出美兼曠代休踰羣祉 蕭穎士表曰臣聞在昔上皇之御極也升中於天而四靈是格若夫出洛登壇青文丹甲之瑞王霸以降遠哉曷乎不可得而聞已今月某日所部江都縣崇虛觀有毛龜出見翠毫金介爍日霏煙迹殊生育來緣感召應陛下長靈之期符先暉谷神之妙知來藏往實見於茲休徵委集萬方幸甚 **原**啓梁丘遲為范雲謝示毛龜啓曰黝甲應於姬渚青鬃符於夏室翱翔卷耳之陰浮遊蓮葉之上藏采千載

獻狀一朝斯誠陛下至德動天窮神為化故能寶瑞開
圖珍祥映牒間出蕃畿繼踵郊甸 陳江總上毛龜啓
曰臣聞聖王受命以代紹興日月精明之狀煙雲爛熳
之采神鼎出於汾陰寶玉開於張掖靈山與澤卉木呈
祉靜海澄波鱗介禔福靡不顯符瑞以固鴻基肇禎祥
以光永世者也影含四靈光分五色懷星拖月負字銜

圖

淵鑑類函卷四百四十

淵鑑類函卷四百四十一

鱗介部五

鱉

鱉

魚

鱉一

原爾雅曰鱉三足曰能 說文曰鱉介蟲也 易曰離
為鱉 周禮曰春獻鱉蜃 **考**工記曰內骨鱉屬
埤雅廣要曰鱉甲屬也以眼聽水居陸生 又鱉伏隨
日謂隨日光所轉朝首東鄉夕首西向也 又鱉之所
在必有浮沫謂之鱉津捕者以此占之 又鱉伏於淵
而剖卵於陵此思化也 又其甲以赤菟包置溼地即
化生今有齧其肉而屑之者搗菟汁沃之經旬即化為

鱉介部

淵鑑類函卷四百四十一

鱉

鼈如細蠶然舉而投諸池謂之種鼈 文子曰鼈無耳而不可蔽精於明也 淮南子萬異術曰青渥殺鼈得莫復生 又燒龜致鼈 取龜夜燒之則鼈至也 孫卿子曰跬步而不休跛鼈千里 古今注曰鼈一名河伯從事 白澤圖曰一足鼈池精名髮頊 酉陽雜俎曰鼈為臞數食之可長鬚 養魚經曰魚滿三百六十則龍為之長而引飛出水內有鼈則魚不復去故鼈名神守 韋氏燕山錄曰煮鼈以蚊 文苑彙雋曰鼈生卵於水濱岸傍隔岸以目望日出入觀三七而成也 原 楚詞曰駟跛鼈而上山吾固知其不能升 增 崔融嵩山啓母廟

碑曰水陷溧陽有吏人之化鼈 皮日休紀曰祀彼羣小之苾苾兮如慕臭之鼈 杜牧集曰今黃家峒賊熾邕容兵連敗縮首不出猶鼎鼈耳 韓愈詩曰跛鼈詎能動伊余何所擬 柳宗元詩曰已看能類鼈 盧仝詩曰寒龜夏鼈一種味

鼈二

增 周書曰成王時長沙獻鼈 原 晏子春秋曰齊大旱景公召羣臣問曰寡人欲祠河伯可乎晏子曰不可河伯以水為國以魚鼈為民彼獨不欲雨乎祠之何益 春秋外傳曰公父文伯飲南宮敬叔酒羞鼈焉 列仙

傳曰費長房能使社公汝南有妖常作太守服詣府門
椎鼓合郡患之及長房來知是魅乃呵之即解衣冠叩
頭乞自改即老鼈也大如車輪長房令服太守服作一
札敕葛陂君叩頭流涕持札遂去視之以札立陂邊以
頸繞之而死 搜神記曰清河宋士宗母黃初中夏在
室中浴良久家人於壁穿中窺之正見木盆中有一大
鼈先著銀釵猶在頭上遂入水去 魏略曰高離國王
侍婢有身王欲殺之婢云有氣如雞子來下我故有身
後生子捐之於溷中猪以氣噓之徙馬開馬以氣噓之
王乃令其母牧畜名曰東明常令牧馬東明善射王恐

奪其國欲殺之東明走以弓擊水魚鼈浮為橋東明得
渡因都王扶餘之地 摺北戶錄注曰石季龍時利州
谷綿縣山北溪中有鼈數千頭登岸暴田苗發軍殘毀
至今鼈無頭也 唐五行志曰貞元三年潤洲魚鼈蔽
江而下皆無首 玉泉子曰唐進士李詹每食鼈輒繫
其足曝於烈日鼈既渴即飲以酒而烹之鼈方醉已熟
矣 雲仙湘潭記曰高郢夜課於豐亭忽有一鼈在案
上視之乃石也郢異其事取十題散置箱中祝石鼈銜
之以卜來事既而石鼈舉頭乃是沙洲獨鳥賦其年果
以是題獲首選 王仁裕玉堂閒話曰崔悅尚書家方

會客夜夢十九人著青綠羅衣拜告求生既寤見甕中有水泛鼈正十九頭遂詣水次放之 倣戒錄曰偽蜀豐資院使李延福晝寢公廳夢烏帽三十人跪於階下但云乞命驚覺僕使報門外有邨人獻鼈三十頭因悟所夢遂放之 五代史補曰張澤爲房知溫從事性素嗜鼈忽暴卒經宿而活云爲太山府君所追責其食鼈過差爲羣鬼投于沸鼎中支解烹飪亦如治鼈之狀既熟爲諸鬼分啖其慘毒痛苦名狀所不及如此近數十度府君始恕之且問曰汝受諸苦敢再犯乎答曰不敢始令遣歸 又南唐僧謙光有才辯而無拘檢性尤嗜

鼈國主常以從容語及釋氏果報對曰老僧無他願但得驚生四隻腿鼈著兩重裘足矣國主大笑 程史曰虞雍公允文以西掖贊督議既却逆亮于采石還至金陵謁葉樞密義問於玉帳因留卯飲酒方行警報沓至蓋亮將改圖瓜洲坐上皆恐葉酌卮醪以前曰舍人威名方新士卒想望勉爲國家卒此勲業雍公受卮起立曰某去則不妨然記得一小話敢爲都督誦之昔有人得一鼈欲烹而食之不忍當殺生之名乃熾火使釜水百沸橫篠爲橋與鼈約曰能渡此則活汝鼈知主人以計取之勉力爬沙僅能一渡主人曰汝能渡橋甚善更

為我渡一遭我欲觀之僕之此行無乃類是乎 西湖志曰宋咸淳壬申七月有梢人泊舟西湖斷橋下時暑熱臥於舟尾中夜不寐見三人長不盈尺集於沙際一曰張公至奈何一曰賈平章非仁者決不相恕一曰我則已矣公等及見其敗也相與哭入水中次日漁者張公于橋下獲一鼈徑二尺餘納之賈府不三四年賈敗蓋數定莫逃物能前知如此 說寶曰弘治間太倉州夏月有百姓道見漁者持一鼈而三足買令婦魚之既熟呼婦共啗婦不欲食坐門外良久不聞其夫聲入視只存髮與衣服在地上驚怖號哭里甲聞之以婦謀夫

訴官知州黃庭堅莆田人鞠得其情信為異物或然名漁者捕三足鼈得之即於廳上令婦烹治出重囚食之食畢引入獄及門已化盡矣所存衣髮皆與百姓同遂宥婦罪

鼈三

增三足

九肋

山海經從山多三足鼈又爾雅注吳興郡陽羨縣君山上有池池中出三足鼈

出舉人耶答曰正如沉江鼈甲九肋者稀

大腰

撫言盧肇袁州人初赴舉先達問袁州

脊

有翬

無耳 爾雅翼曰鼈卵

生形圓穹脊四周有翬食物本草無翬而

赤腹

白

目

食物本草大如錢腹赤如血者各朱鼈出南海養

鱗介部

崇益類編卷四百一十一

五

赤足者三足者腹下有字王字天字者皆不可食也

骨如龜形者頭足不能縮者目陷者皆不可食也

吐珠挾彈雅食物本口中吐珠者名珠鼈也

貢穎水亡韓非子鄭縣人乙之妻之市買鼈而歸過

穎水以為渴也因其

而飲之遂亡其鼈

毒能殺人括異志宋傅慶中家得一鼈其婢放

之溝中年餘婢病將卒夜鼈被泥登婢胸冰之遂愈

解怒補陰關子日義渠之人雖飢餓三日不啓口至死不食

也吳章莊吉受而和之病入食之為體輕萬乘食之為

甚冷肉能補陰影伏思生西陽雜俎甲蟲影能

飛躍使跳梁拾遺記容山下有水多魚鼈皆能飛躍

忽抵掌使其跳梁既慣習把箸筮渡篠橋黃德壞

雖冷地間拊掌亦跳梁

家人烹鼈將筮覆其釜揭見一鼈仰把其筮皆蒸

爛然頭足猶伸縮家人怒潛放河涇間後因患熱將殆

德環徒於河邊屋中將養夜有一物徐徐上其身覺甚冷

及曙檢視胸臆悉塗淤泥其鼈在上三顧三曳而去即

日病瘥二程史下畏馬溺應龜鳴食菓自是苦腹痛作

時幾不知人疑鼈所致乃以二物令小蒼頭食之蒼

頭遂得疾與鼈類而委頓尤甚未幾遠死鼻屍置馬廐

未殮也忽小鼈無數自九竅湧出散走廐下惟遇馬廐

者輒化為水草間自臨視指聚眾鼈以馬溺灌之皆即

為水於是革飲馬溺遂瘥或云白馬蛇化鼈形

溺尤良易林鼈鳴岐野鼈應於泉蛇化鼈形

如龜狀雅俗稽言五月後鼈有蛇化者誤食詳白目

注昂首長吁叩頭流血野記鼈頭投于釜中湯已

三四沸矣海以為糜爛啓釜視之鼈昂首視海長吁數

聲海大怪急擲於河中數鼈游行蹠而族加恩簿

二列仙傳金九丞相裙襴大夫陶穀清異錄晉祠小池

鱗介部附益頁卷四百一十一

畜老鼈大如食盤不知何人題於前闌柱曰
裙襴大夫烏衣開國何元美後失鼈所在

鼈四

原怒小 國語公父文伯飲南宮敬叔酒路都父怒鼈小曰長而食之遂出文伯母曰問祭養尸享賓鼈

於何有而怒 食雛謂伏乳也 冬獨 莊子閱休冬則

使夫人怒 春獻禮 實蓼 濡鼈醢醬實 得莫 復 元物

介蟲 詳說 不為禮 居山者不以 不中殺 禮魚鼈不

於市 掌籍凡邦之籍事 去醜 禮鼈去醜 咸若 書鳥

鼈咸 神化為黃熊入于羽淵熊三足鼈 水潦不獻 禮水潦降不獻

禮水煩則 魚鼈不大 水潦不獻 禮水潦降不獻

鼈五

原賦 晉陸機鼈賦曰皇太子幸於釣臺漁人獻鼈命侍

臣作賦其狀也穹脊連脇黝甲四周遁方圓于規矩徒

廣狹以妨循盈尺而脚寸又取具于指掌鼻嘗氣而忌

脂耳無聽而受響是以栖居多逼出處寡便尾不副首

足不運身於是從容澤畔肆志汪洋朝戲蘭渚夕息中

塘越高波以燕逸竄洪流而潛藏咀蕙蘭之芳葢翳華

藕之垂房 潘尼鼈賦曰皇太子遊於元圃遂命釣魚

有得鼈而獻之者令侍臣賦之翩銜釣以振棹吁駭人

而可惡既顛墜于巖畔方盤跚而雅步或延首以鶴顧

或頓足而鷹距或曳尾於塗中或縮頭於殼裏若乃秋

水暴駭百川沸流有東海之巨鼈乃負山而吞舟
增令宋毛勝水族加恩簿令曰甲坼翁挾彈於中巧也
負擔於外禮也介冑自防不問寒暑智也步武懦緩不
踰規繩仁也故前以環甲尚書榮其跡顯其能宜授金
丸丞相九肋君

鼈一

增埤雅廣要曰鼈大鼈也鼈以為雄故鼈鳴而鼈應
又曰鼈亦卵生而伏影類籀稽聖賦鼈鼈伏乎其陰是
也爾雅翼曰鼈之大者濶或至一二丈天地之初介
潭生先龍先龍生元鼈元鼈生靈龜靈龜生庶龜凡介

者生於庶龜鼈者介蟲之元也廣雅曰海龜大一畝
重千鈞正字通曰鼈鼈類青黃色腸屬於首卵大如
鴨子一產一二百枚好曝其腹於江岸漁人接竹以掣
之倉卒不能自反為所制其脂磨鐵則鳴古今注曰
鼈一名河伯使者淮南子曰鼈脂得火可以燃鐵
又曰埴井之所無鼈鼈隘也又川谷通源積水重淵
鼈之所便也人入之而畏魏子曰鼈得水則生虎豹
得水則死錄異記曰鼈其狀如鼈腹下赤者為鼈白
者為鼈俗云鼈之身有十二屬肉漁人捕得之雖支分
齧解隨其巨細未入湯鑊者皆能跳走鼈與鼈雖至大

者如蚊蚋嗜之一旦乃死 梅堯臣詩序曰廟子灣屬
雍丘風俗云有白龜憑險日為浪潮以驚異上下 楚
辭曰乘白龜兮逐文魚

龜二

增拾遺記曰禹濟巨海龜鼉為梁 抱朴子曰在頭水
有大龜常在深潭號為龜潭能作魅行病有戴道炳者
能視見之以越張封泥遍擲潭中良久有大龜徑長丈
餘浮出不敢動乃格殺之而病者立愈又有小龜出列
死於渚上甚多 存心錄曰吳孫皓寶鼎中丹陽宣蹇
母年八十因浴化為龜兄弟閉戶衛之掘堂上作一池

寶水其中龜入池遊戲一日常引頸外望伺戶小開
便輪轉自躍入于遠潭遂不復還 宣州志曰天寶七
載宣州江中龜出虎搏之龜齧虎二創虎怒拔龜頭而
虎創甚亦死 原化記曰韋丹未第時於洛陽中橋見
漁者得一大龜長數尺繫之橋柱引頭四顧有求救之
意丹以乘驢贖之放於水中徒步而歸後數日詣葫蘆
生問命生與共往元長史家有老人元濬之向韋盡禮
款待中出文字一通授之曰此公一生官祿行止聊報
活命之恩即此龜也 孔帖曰近有漁人泊舟馬當山
下月明風恬見一大龜出水直上山頂四望頃之江中

湧出一彩舟內有十餘人飲酒張樂陳設甚盛獻酬久之上流有巨艦東下櫓聲振於坐中彩舟乃沒前龜亦下未及水忽死於岸側意者水神使此龜為望候不知艦來致沒彩舟故殛之 宋史曰乾道七年洞庭有巨龜走沙擁舟廣長皆丈餘升舟以手足壓重艦沒水避暑錄話曰元豐間有監黃河婦武臣射殺婦下一龜未幾死而復甦云為龜訴於陰府力辨龜數敗婦以其職殺之故得免 雲濤小說曰金陵上清河一帶善崩明太祖患之皆云猪婆龍窟於下故爾時工部欲聞於上然疑猪犯國姓輒駕稱太白龜為害上惡問元宇因

命漁者捕之殺龜幾盡先是漁人用香餌引大龜凡數百斤一受釣以前兩爪據沙深入尺許百人引之不能出一老漁諳龜性命於其受釣時用穿底缸從綸貫下覆其面龜即用前爪搔缸不復據沙引之遂出金陵人乃作語曰猪婆龍為殃癩頭龜頂缸言嫁禍也

龜三

飲江

攻岸

蘇軾李氏潛珠閣銘因石阜以庭宇跨飲江之鼃龜山堂肆考龜極有力善

攻岸人以鈎索釣之龜吞鈎任其曳舟而走俟其力盡乃得之

鳴野

浮水

易林龜鳴于野鼃應于泉類書龜大于

鼃此以其類求之

下詳龜二宣州志

鼃湖望隨月浮水月

連脇

癩頭

正字通其形穹脊而連脅其勢踞洲

沈則沒此屬陰也

崑崙負山卷一百五十一

十

渚而擊奔流具蹕然之質
山堂肆考鼈頭泥搭名曰癩
南人食君子得爾雅
大子鼈南人亦捕食之
君子得鼈小人遺冠獻子獵而不得遺其豹冠

鼈四

梁為梁紀年周穆王四十七年東至於染指楚人獻

靈公子公之食指動謂子家曰必嘗異味及宰夫將

互物甲蟲狸物周禮鼈人掌取互物以時簞魚鼈

藏于泥中有司取甲蟲秋乃聖成九月方可取之

黃河生黃河中舊不生鼈忽有得者佛圖澄曰桓

治殺晏子春秋古治子曰君濟于河鼈銜左驂以入砥

黃氏化江夏黃氏母浴化而為鼈入

鼈五

增令水族加恩簿令曰爾甘肅調鼎之材嚙舌潮津宜

封醉舌公

鼈一

增說文曰鼈水蟲狀如守宮長一二丈文五色背毛皆

有鱗甲如鎧本草曰口內涎有毒長一丈者能吐氣

成霧致雨力至猛能攻陷江岸性嗜睡恒閉目聲甚可

畏人于穴中掘之百人掘亦須一人牽一人掘亦須一

人牽不然終不可出又曰極難死沸湯沃口入腹良

久乃剝老者多能變化為邪魅埤雅廣要曰鼈具十

鱗介部

尚書卷之六

鼈

二

二肖肉蛇肉最後在尾其枕瑩淨魚枕弗如皮中冒鼓
夏小正九月剝鼉以為鼓也 又詩云鼉鼓逢逢先儒
以為鼉皮堅厚取以冒鼓故曰鼉鼓 又晉安海物記
云鼉宵鳴如桴鼓今江淮之間謂鼉鳴為鼓亦或謂之
鼉更以其聲逢逢然似鼓而又善夜鳴其數應更如初
更一鳴而止二即再鳴也 又鼉欲雨則鳴故里俗以
鼉讖雨 廣志曰鼉魚有四足尾如蜥蜴而大南方嫁
娶必得食之 續博物志曰鼉長一丈一名土龍鱗甲
黑色能橫飛不能上騰 趙辟公雜說曰鼉聞鼓聲則
鳴 潛確類書曰鼉小於龜向日吐水日沈則沒此屬

陽也

鼉二

增 呂氏春秋曰帝顓頊令飛龍作八風之音以祭上帝
乃會為樂倡鼉乃偃寢以擊其尾 搜神記曰滎陽張
福船行夜有女子乘小舟來投福云日暮畏虎不敢夜
行福戲調之遂同寢中夜月照乃見一白鼉枕福辭而
臥福驚起鼉便去乘船乃枯槎也 支僧載外國事曰
私可條國全道遼山有毗阿羅寺寺中有石鼉至靈眾
僧餘食欲盡寺奴輒向石鼉作禮于是食具 許氏志
怪曰沙門竺僧瑤得神符尤能治邪廣陵王家女病邪

名瑤治之瑤入門瞋目大罵老魅不守道敢干犯人女
在內大喚云人殺我夫鬼在側曰吾命盡于今此神也
不可爭旁人共聞之於是化為老鼉走出中庭瑤撲殺
之 吳志曰孫亮初公安有白鼉鳴謠曰白鼉鳴龜背
平南郡城中可求生守死不去求無成明年諸葛恪敗
弟融鎮公安被收融刮金印龜背一服而死 文選注
曰郭璞睡時人見變鼉形云是鼉精 幽明錄曰宋高
祖永初中張春為武昌太守時有人嫁女未及升車忽
失性出外毆擊人云已不樂嫁俗人巫云是邪魅乃將
女至江際擊鼓以術咒治療春以為欺惑百姓勒其必

獲妖魅後有一青蛇來到坐所即以大釘釘其頭至日
中復有大龜從江來伏於巫前巫以朱書龜背更遣入
水至暮有大白鼉從江中出乍沈乍浮向龜從後催逼
鼉至先入幔與女辭訣女慟哭云失其姻好自此漸差
或問巫曰魅者歸於何物巫云蛇是傳通龜媒人鼉是
其對三物悉是春始知其靈驗 本草曰梁周興嗣常
食鼉肉後為鼉所噴便為惡瘡此物靈強不可食也
獨異志曰燉煌李鵲開元中為邵州刺史挈家之任泛
洞庭時晴景登岸因鼻衄血沙上為江鼉所舐俄然復
生一鵲與之無異鵲之本身為鼉法所制繫於水中其

家奉妖鼉就任為郡幾數年因天下大旱道士葉靜能
自羅浮奉詔過洞庭忽沙中見一人面縛問之鵠以狀
對靜能為符書巨石上石即飛起空中鼉妖方擁案晨
衙為巨石所壓乃復本形時張說為岳州刺史具奏并
以舟楫送鵠赴郡家人妻子乃信故今舟行者不敢瀝
血波中 唐書曰上元二年有鼉集揚州城門節度使
鄧景山以問族弟珽對曰鼉介物兵象也未幾宋州刺
史劉展反 傳奇曰貞元中有湘媪常以丹篆救人病
一日告鄉人曰往洞庭救數百人性命至洞庭前一日
有大風濤蹙一巨舟泊一島上而碎所載近百人各星

居於島上忽有一白鼉長丈餘遊於河上數十人搗殺
之分食其肉明日有雪城圍島漸窄如束其廣不三數
丈岳陽人亦遙望雪城莫能曉也媪登島飛劍刺之白
城如一聲霹靂遂崩乃一大白鼉長十餘丈蜿蜒而斃
媪乃劉綱妻樊夫人也 猗覺寮曰宣和己亥都城北
小民家晨起見一物如龍伏牀下大驚都人競往觀之
禁中取驗之乃鼉也杖殺之已而大水數年有金人之
禍 國獻家猷曰南都上河地明初江岸常崩蓋猪婆
龍于此搜抉故也以與國姓同音嫁禍于鼉及下令捕
鼉盡而崩岸如故有老漁曰當炙犬為餌以甕通其底

貫釣緝而下之所獲皆鼉老漁曰鼉之大者食犬即世之所謂猪婆龍也

魚一

增爾雅曰魚有力者黈魚枕謂之丁魚腸謂之乙魚尾謂之丙 說文曰魚水蟲也魚尾與燕尾相似 易曰

貫魚以宮人寵

正字通魚行有甲為之長眾魚從之駢頭相次如貫然

原詩曰

南有嘉魚蒸然罩罩 又曰魚潛在淵或在于渚 又

曰魚在在藻 月令曰立春之日魚上冰

增家語曰

水至清則無魚 呂覽孔子曰魚游乎濁而食乎濁

六韜曰緝隆餌重則嘉魚食之緝調餌芳則庸魚食之

國策曰君不聞大魚乎網不能止釣不能牽蕩而失

水則螻蟻得意焉

原莊子外篇曰朽爪化為魚物之

變也 符子曰觀於龍門有一魚奮鱗鼓鬣而登乎龍

門而為龍又一術士凌波蹈流而不陷搖鈴行歌飄浪

於龍門而終日棲遲而不化彼同功而事異迹一而理

二夫何哉無乃魚以實應而人以偽求乎 列子曰終

髮之北有溟海魚廣千里其長稱焉

增又吞舟之魚

不游枝流 淮南子曰水濁則魚噉 又欲致魚者先

通水水積而魚聚 又為魚德者非挈而入淵從其所

之而已 又天之且雨也陰曠未集而魚已噉矣 又

使水濁者魚撓之。孫綽子曰：海人與山客辨其方物，曰：橫海有魚，額若華山之頂，一吸萬頃之波。庚桑子曰：夫尋常之溝，巨魚無所還其體，而鯢鮪為之制。論衡曰：鈞者刺木為魚，丹漆其身，迎水浮之，水動作魚，似真魚，魚並來。元中記曰：東海有大魚焉，行海一日，逢魚頭，七日逢其尾，產則三百里為血。養生經曰：魚勞則尾赤。陰陽變化論曰：魚不見水，採蘭雜志曰：蚊投水中，能化小魚，小魚不獨魚子生也。物類相感志曰：魚瘦而生白點者，名虱，用楓樹皮投水中，則愈。又魚始雷頭，向下未驚，蟄頭皆向上。蠡海集曰：魚目晝

夜不暝，因知其為陰物，而得陽多者也。祭禮皆薦生而魚獨槁者，魚乃水族陰之屬也。槁之則為陽，陽以致陰之謂也。後山談叢曰：魚行隨陽，春夏浮而遡流，秋冬沒而順流，漁者隨其上下出沒而取之。席上腐談曰：魚逆水而上，取其鱗之順也。志林曰：僧謂魚為水梭花。文昌雜錄曰：漁家以猢猻毛置之網，四角則多得魚。云魚見之如人之見錦繡也。避暑錄話曰：浙東溪水峻急，多灘石，魚隨水觸石皆死，故有溪無魚。土人往往以陂塘養魚，魚初生時謂之魚苗，投于陂塘，不三年長可盈尺。北戶錄曰：南海諸郡人至八九月於池塘

間采魚子著草上懸於竈煙下至二月春雷發時却收
 草浸於池塘間旬日內如蝦蟆子狀鬻于市號魚種育
 池塘間一年內可供口腹也 詞林海錯曰江海間魚
 遊必三如勝隨妻先一後二人謂之婢妾魚 楚辭曰
 魚鱗鱗兮媵予 曹植說曰疲氣鹹水之魚不遊于江
 淡水之魚不入於海 韓愈文曰江魚不池活 古樂
 府緩聲歌曰思東流之水必有西上之魚 爾雅鯉
 今之赤鯿今江東呼鯿今儋額 鮎別名 鮎大鯿小者鮎
 或鯿似鮎而大色白 鯿小魚 成者 鮎魚鮎大者謂之鮎
 似鮎四足聲似小兒 又鯿大鮎小者鮎 又銀

魚身圓如筋潔白無鱗目兩點黑 爾雅翼曰鯨從京
 大也海岸有獸曰蒲牢聲如洪鐘而性畏鯨鯨躍擊之
 鳴聲聞五里故鑄鐘以蒲牢形其上斷撞為鯨形天子
 出而擊之東都賦曰發鯨魚鏗華鐘是也 又鮎言其
 黏滑與鱣鱠之類皆謂之無鱗魚又曰腹俱大者曰鰻
 背青口小者名鮎背黃腹白名鮎 又鰐四足如鼉長
 二丈餘喙三尺長尾而利齒其尾有涎如膠掉以取物
 其形或黑黃蒼白 又鰻魚鱗鬣皆圓黃質黑章皮厚
 而肉緊特異常魚夏月盛熱時藏石罅中人即而取之
 其斑文尤鮮明者雄也稍晦昧者雌也漁者以索貫一

鱗介部

尚書類函卷四百四十一

魚

七

雄置之溪畔羣雌來齧拽之不捨掣而取之常得十數
尾凡魚無肚不嚼鱖魚有肚能嚼爾雅注曰比目魚
狀似牛脾紫色鱗細一眼南人謂之鞋履魚江淮謂之
拖沙魚亦謂之箬葉魚又鮓魚似鮎四脚前似獼猴
後似狗大者長八九尺說文曰鱓曰南魚名也狀似
蜥蜴嘗水中潛伏吞人即浮又鯿飲而不食子多而
肥夏初曝乾可以致遠字林曰鰻魚出南海頭中有
石一名石首鱧可作膠原毛詩義疏鱓魚出海三月
從河上來今鞏縣東洛度北崖上山腹有穴舊說此穴
與江湖通鱓鮪從此穴而來入河鮪似鱓而色青黑頭

小而尖如鐵兜鍪口在頷下大者七八尺益州人謂之
鱓鮪大者王鮪小者叔鮪一名鮓肉色白今東萊遼東
人謂之尉魚或謂之仲明者樂浪尉也溺死海中化為
此魚鱖似魴而大頭魚之不美者故語曰買魚得鱖不
如啖茹徐州謂之鱓里然鮓魚吹沙也似鯽魚狹小
嘗張口吹沙也一名重唇鮓鮓嘗魚一名揚今黃頰
魚正黃魚之大而有力者魚狸背上有斑文腹下純青
今以飾刀韃步叉也海水將潮及天將雨毛皆起潮還
天晴毛則復常千里外知海潮也廣志曰武陽小魚
大如鍼號一斤千頭蜀人以為醬陶弘景本草曰鯉

最為魚中之主形既可愛又能神變乃至飛越山湖所以琴高乘之又鯉魚鮓不可合小豆藿食害人又發諸瘡鱧魚一名鮠除蒙反味甘無毒主除水氣面大腫及五痔鮠魚味甘大温無毒云是芹根變作又曰是人髮所化作腫食之甚補鮑魚味辛無毒主逐委蹙腕折瘀血鮑蒲角反魚治青盲失精莫干反鱧力奚魚味甘形似鮠能緣樹食藤花取作脯食之鱧本本草曰鯽魚一名鮒魚形亦似鯉色黑而體促腹大而脊隆所在池澤皆有之又鮎魚大者能吞蛇圖經曰鮑魚形類鱖魚生溪中極其額旁有骨名乙長尺許青魚頭中有枕蒸令

通氣曝乾狀如琥珀可以作器皿膽可點目又鯉魚脊中鱗一道每鱗上皆有小黑點從頭至尾無大小皆三十六鱗瑞應圖曰比目魚者王者明德則見南史曰林邑國於城溝中養鰐魚有罪者以餒鰐不食為無罪三日乃放之北史曰真臘國有魚名建同四足無鱗鼻如象吸水上噴高五六十丈有浮胡魚形似鮠背如鸚鵡有八足多大魚半身出望之如山又漕國在蔥嶺之北漢時屬賓國也蔥嶺山有順天神祠前有一魚脊骨有孔中通馬騎出入宋史曰錢唐江有五色魚鯽首鯉身荀子曰儵鉢者浮陽之魚也胠于沙

鱗介部

鱗介部

魚

七

而思水則無逮矣注眩去也抱朴子曰南陽丹水出丹魚常先夏至十日夜伺之魚浮於水赤光上照赫然如火網取之割其血以塗足可步行水上如履平地崔豹古今注曰鯉之大者曰鱣鱣之大者曰鮪白魚雄者鮪魚子好羣浮水上名白萍又兗州人呼赤鯉為赤驥青鯉為青馬黑鯉為黑駒白鯉為白騏黃鯉為黃雉又鯨大者長千里小者數丈一生數萬子常以五六月就岸生子至七八月導引其子還大海中鼓浪成雷噴沫成雨水族驚畏一皆逃匿莫敢當者原魏武四時食制曰鱣魚大如五斗奩長丈口在頷下常三月

中從河上常於孟津捕之黃肥惟以作鮓淮水亦有增又東海有大魚如山長五六里謂之鯨鯢次有如屋者時死岸上膏流九頃其鬚長一丈廣三尺厚六寸瞳子如三升椀又望魚側如刀可以割草出豫章又斑魚頭中有石如珠出北海蒲魚其鱗如粥出郟縣髮魚帶髮如婦人白肥無鱗出滇池蕃踰魚如鼈大如箕甲上邊有鬚無頭口在腹下尾長數尺有節有毒螫人鯀鮪魚黑色大如百斤猪黃肥不可食數枚相隨一浮一沈蕭折魚海之乾魚也郟縣子魚黃鱗赤尾出稻田可以為醬原山海經曰鮪厥衛反魚大口而細鱗有斑

彩鯨與昭反魚狀如鯉魚身烏翼蒼文白首赤喙常從西海遊於東海以夜飛音如鸞見大穰何羅魚一首而十身其音如犬吠食之已擁鮪請魚身大首音如嬰兒食之已狂珠鼈如肺而有目六足有珠鱒市應反魚狀如鮒彘毛其音如豚見則天下旱薄魚其狀如鱣而一目其音如歐吐如人嘔聲見則天下反鯢魚赤目赤鬚者食之殺人鮫陵魚背腹皆有刺如三角菱又鯢規山多飛魚其狀如豚而赤文有角服之不畏雷霆亦可禦兵鯢鰓之魚狀如鵲而十翼鱗在羽端其音亦如鵲可以禦火食之已瘳鯨魚狀如雞而赤色三尾六足四目其音

如鵲食之已憂鯨魚狀如鼈魚尾二足其音如羊食之益明髯鱣魚蛇首六足其目如珠食之不寐佩之禦凶修辟之魚狀如鼈而白喙其音如鴉食之已癩鯨魚狀如鯉而六足烏尾其鳴自呼鯨魚狀如牛陸居蛇尾有翼其羽在鮓下其音如牛聲冬死而夏生食之已腫又浮玉山北望具區苔水出其陰中多鯨魚形狹薄而長鬚又名刀魚形如刀也太湖中饒之原水經曰海鮪且由反魚長數千里穴居海底入穴則海水為潮出穴則水潮退出入有節故潮水有期又鮪出鞏穴直穴有渚謂之鮪者又武陵猥縣長楊谷中有石穴水中有神魚大者二尺小者一

鱗介部
山經卷四十四
魚

尺居民釣魚先陳所須多少拜而請之拜訖投釣餌得魚過數者水輒波湧暴風卒起樹木摧折 又隴阪汧水東北流歷澗注以成潭漲不測出五色魚俗以為靈而莫敢採捕因謂是水為龍泉水 又扶南象浦源潭湛瀨有羣魚色黑身五丈頭如馬首伺人入水便來為害 又魚復溪中有魚其頭似羊豐肉少骨美於餘魚

原

吳錄曰錯

一作鱧

魚子生後朝出索食暮皆入母腹

中

酉陽雜俎出從臍

吳地志曰石首魚至秋化為冠鳧冠

鳧

頭中猶有石也

南越志曰鱣鱔

子林反

屬也長鼻軟

骨

埤雅廣要俗謂之玉板江東謂之黃魚

長數丈而骨可啖似黃鮠而長

鯨魚左右如鐵鋸三牙魚似石首或曰雄石首鯨魚肥美有餘土人重之 南越記曰天牛魚方圓三丈眼大如斗口在脅中露齒無脣兩肉角如髀兩翼長六尺尾長六尺 廣州記曰魴魚廣而肥甜魚之美者也鯨鯢長百丈大亦稱之雌曰鯢雄曰鯨目即明月珠死不見有眼睛而噴浪翳於雲日 臨海異物志曰比目魚似左右分魚南越謂之板魚 亦曰左介介亦作鮓 人魚似人長三尺不可噉 **增** 又鴛似烏賊而肥炙食甘美鯨魚至肥炙食鮮美諺曰寧去累世宅莫去鯨魚額印魚脊鱗形如鰐魚額上有文如印章琵琶魚無鱗形如琵琶鳶魚狀

鱗介部

增 鱗介部

魚

五

鳶唯無尾足陰雨日亦飛高數丈并魚頭有兩角鯪魚
如指長七八寸但有脊骨好作筭大者如竹竿曝作燭
極有光明 異物志曰鮫魚皮可以飾刀其子驚則入
母腹中 **原**又鹿魚頭上有兩角如鹿 **增**又吹沙長
二寸許背上有刺螫人日又南方鏡魚圓如鏡 **原**南
方草木狀水猪魚似猪形 **增**太康地記曰武昌南湖
通江夏有水產鮓魚長三尺 **原**永嘉郡記曰樂城縣三
原亭去郡百二十里溪水清如鏡昔有得一死鮓者鬻
大五六圍一鬻輒得數十斛鮓 **增**桂海蟲魚志曰嘉魚
狀如小鱒魚多脂味極腴美出梧州大山人以為鮓餉

遠蝦魚出灘水肉白而豐味似蝦而鬆美竹魚出灘水
狀似青魚味如鰕魚 岳陽風土記曰啞津在白荆堤
側歲壞邦人方完築忽有大鯉魚躍其中役夫殺食之
往往皆死瀕江漁人不以魚之長大為奇怪但釣網不
能制者皆殺之不知何也岳州人最重鯉魚每得之淪
以皂角水少許鹽漬之即食味甚甘美 臨海水土記
曰槌額似鰕魚長四尺黃靈魚小文正黃似石首寄度
魚長三寸似白魚鮑魚三月生溪中裁長一寸至十月
終東還歸於海香氣聞於水上到時月輒復更生伏念
魚似沙魚鮓鮓形似鰕魚戲於重川靡有定所土奴魚

頭上如虎有刺螫人 益部方物略記曰鮒魚出西山溪谷及雅江狀似鯢大首長尾其啼如嬰兒緣木弗墜蜀人養之嘉魚出興州大丙小丙山石穴中今雅州亦有之鯉魚鱗蜀人甚珍其味鯨魚出蜀江比鯽則大背鱗黑而膚理似玉為鱠味美黑頭魚形若鱣黑首白腹修體短額長者及尺出嘉州歲二月則至惟郭璞臺前有之里人欲怪其說則曰璞著書臺上魚吞其墨故黑云沙綠魚魚之細者生隈瀨中狀若鯢大不過五寸有駁其文美味蜀人珍之石鼈魚狀似鯢而小上春時出石間庖人取為奇味 嶺表錄異曰全義嶺之西

南靈水溪內有魚皆修尾四足丹其腹狀若守宮游泳自若漁人不敢捕之 又海鱮魚海上之至偉者也小者亦千餘尺一海船過南海見有山阻東海濤險而急又見十餘山或出或沒初甚訝之篙工曰非島鱮魚背也果見雙目閃爍鬚鬣若簸米箕日中忽雨霖霖舟子曰此鱮背噴氣水散於空風勢吹來若雨耳 南雍州記曰襄陽古井內一魚無肉惟骨相連耳 永州記曰鱷魚大者數丈善食人一生百卵及成形則有為蛇為龜為蛟者甚靈 交州記曰鱷好出沙上卵大如鵝卵可食 寰宇記曰有人往林邑於海嶼上得鯨頭骨如

數百斛困頂上一孔大如甕俗以為珠穴

曰丙穴在巴郡明通縣并峽中其穴凡十其中產嘉魚

任豫益州記蜀山謂之抽魚其出也止於巴渠龍脊灘首有黑點謂

照映星象相感而成身長細鱗肉白如玉其味自鹹蓋

食鹽泉也 華夷志曰海中大魚口可容舟名曰摩竭

雜寶經佛言如意珠者是摩竭大魚口中出一統志曰鰭大盈丈腹有洞

貯水以養其子奉化縣靈濟泉深不盈尺中有九節鰻

魚禱雨獲之即應昌化縣西北千頃山有龍湫魚皆金

銀色禱雨多應博白縣大荒山上池中有婢妾魚大如

楮兩翼及臍下有三條似練帶四尺許動搖有婢妾形

故名廣州海中有赤魚鱗魚鰾魚鳳尾魚短頸魚馬交

魚之屬其尤大者暨魚數年一至南海廟前至則必有

疾疫白魚出雲南北勝州陳海狀如鯉而色白 物產

志曰鰾魚性慧不入網呂海人以長網圍之俟潮退取

之 寧波志曰華齊魚一名老婆魚一名鰻魚又有形

如蝌蚪而大者如盤一名琵琶魚彈塗一名闌河跳躑

海塗中作穴而居以其彈跳于塗故名 海語曰鮎有

二種魚麗之鮎乃閩廣之常產海鮎虎頭鮎體黑文鱗

足巨者二百餘斤嘗以春晦陟于海山之麓旬日而化

為虎惟四足難化經月乃成矣或曰虎文直而疎且長

者魛化也魛有數種蛟魛似蛟而鼻長皮可飾劍湖魛青色背上有沙鬚鬚內有絲瑩若銀絲可以
原張華博物志曰牛魚目似牛形如犢子剝皮懸
增又南海有鰐魚狀似
之潮水至則毛起去則毛伏
鼉斬其頭而乾之椽去齒而更生如此者三乃止
又
金魚腦中有麩金出功婆塞江 神異經曰東南海中
有温湖其內鯽鮒生焉長八尺食之宜暑而辟風寒之
氣 拾遺記曰瀛洲東有淵洞有魚長千丈色斑鼻端
有角時鼓舞羣戲遠望水間有五色雲就視乃此魚噴
水為雲如慶雲之麗無以加也 述異記曰海魚千歲
化為劍魚一名琵琶魚形如琵琶而善鳴因以名焉洞

庭湖中有一陂有范蠡魚昔范蠡乘扁舟至此釣得大
魚烹食之小者放于陂中和州歷陽淪為湖今湖中有
明府魚奴魚婢魚北方荒外有石湖方千里中有橫公
魚夜即化為人刺之不入煮之不死若以烏梅二七箇
煮之即熟可治邪病異苑曰長七八尺如鱧魚食之無鯁虎魚老者為蛟
江中魚化為蝗而食五穀者百歲為鼠城陽縣南有堯
母慶都墓廟前有一池魚頭間有印文謂之印頰魚若
非祀者捕而不得 異苑曰凡諸魚欲產鮪魚輒以頭
衝其腹世謂眾魚之生母 初學記曰石首初出水能
鳴夜視有光服其石能下石淋魚鱗色甚黃如金和蓴

菜作羹謂之金羹玉飯羹而食之名爲鰲炙食之主消
瓜成水 酉陽雜俎曰蜀中每殺黃魚天必陰雨井魚
腦有穴每吸水輒於腦穴蹙出如飛泉散落海中舟人
競以空器貯之海水鹹苦經魚腦出者淡如泉水焉印
魚長一尺二三寸額上四方如印有字諸大魚應死者
先以印封之鯢魚如鮎四足長尾能上樹天旱輒含水
上山以草葉覆身張口鳥來飲水因吸食之峽中人食
之者先縛於樹鞭之身上白汗出方可食不爾有毒朗
山浪水有魚長一尺能飛飛即凌雲息歸潭底奔鱗一
名瀾非魚非蛟大如船長二三丈色如鮎有兩乳在下

頂上有孔通頭氣出赫赫作聲必大風行者以爲候相
傳嬾婦所化殺一頭得膏三四斛取之燒燈照讀書紡
績則暗照歡樂之處則明 清異錄曰鯉魚多是龍化
額上有真書王字者名王字鯉此尤通神 避暑錄話
曰太湖白魚實冠天下 遊宦紀聞曰三山溪中產小
魚斑文赤黑相間里中兒豢之角勝負爲博戲聞永嘉
亦有之 夢溪筆談曰西湖南屏山興教寺池有鯽十
餘尾金色道人齋餘爭倚檻投餅餌爲戲故東坡詩我
識南屏金鯽魚 墨客揮犀曰南方溪澗中有魚生石
上號石斑魚作鮓甚美至春含育則有毒不可食云與

金華山志卷四十一
三
蜥蜴交也 補筆談曰凡買活魚縱之江中無不洋然
惟鱮鱠入江中輒死乃知鱮鱠但可居止水也 又吹
肚魚南人通言之以其腹漲如吹也南人捕河鮑法截
流為柵待羣魚大下之時小拔去柵使隨流而下至自
相排蹙或觸柵則怒而腹鼓浮于水上漁人乃接取之
又本草言河鮑乃今之鱮魚江浙間謂之回魚是也
吳人所食河鮑本名侯夷魚本草引日華子注云有毒
浙中人呼為規魚又有生海中者腹上有刺名海規
懶真子曰鄱陽湖水連南康軍江至冬深水落魚盡入
深山潭中土人集船數百艘以竹竿攬潭中以金鼓振

動之候魚驚出即入大網中多不能脫惟大赤鯉魚最
能躍出至高丈餘後入他網中則不復躍矣蓋不能三
躍也故禹門化龍者是大赤鯉他魚不能也 遜齋閒
覽曰莆陽通應子魚名著天下蓋其地有通應侯廟廟
前有港港中魚最佳今人必求其大可容印者謂之通
印子魚故荆公有詩曰長魚俎上通三印也 塵史曰
鮒魚閩中鮮食最珍者長七八寸剖之子滿腹冬日正
其佳時莆田迎仙鎮乃其出處 倦遊雜記曰黃魚化
為鸚鵡 林洪山家清供曰鄱江士友命飯每供酒煮
鮒魚云鮒稷所化以酒煮之甚有益 輟耕錄曰水之

鹹淡相交處產河魴魚類也無鱗甲常怒氣滿腹形殊
弗雅然味極佳煮治不熟則能傷人腹中之臍曰西施
乳按類編引博雅云鯪鯪魴也背青腹白觸物即怒其
肝殺人正今人所謂河豚也陶朱公養魚經曰以六
畝地爲池池中爲九洲求懷子鯪魚長三尺者二十頭
牡鯪長三尺者四頭以二月上庚日納池中令水無聲
魚必生埤雅廣要曰鱸松江魚之美者也語曰四腮
鱸出得松江天下無鱸魚似魴肥美江東四月有之鰻
白腹似鱸而大焚其骨煙氣辟蠹有雄無雌以影漫鱧
而生子其子皆附於鱧之鬣而生故謂之鰻鱧一曰鮎

亦產鰻蓋其乳子三分之二爲鮎其一鰻也嘉魚食乳
泉出丙穴穴口向丙故曰丙也雅俗稽言曰鱧俗呼
烏魚又名火柴頭頭戴七星夜禮北斗道家謂之水厭
忌食之養生家亦忌其膽臘月收取陰乾遇喉急痺少
許點之即愈白小銀魚也小於麩條鱖魚初夏有餘月
無故謂之鱖其味之美在鱖食莫去之鱖如甲亦知自
惜若入網中則不動恐傷鱖也其鱖灰水浸洒可作花
鈿彭淵材謂鱖魚多骨其一根也又俗云鱖魚不過鴨
欄驛鱖魚狀如青魚長者尺餘其子滿腹粵人亦呼爲
子魚其實非也鰻口魚魚口似鰻頭有紅點兩旁自頭

至尾有白路如銀色身細尾岐長三四寸二月間出海
中鱗魚一名箭魚腹下細骨如箭簇出富陽者尤美鱸
似鱸而長無鱗有涎黃色生溝瀆淺水中好穴田為農
夫患頭昂起寸許者不可食肋魚似鱗而小身薄骨細
冬天出者名雪映魚味佳至夏則味減率以夏至前後
以巨艘入海捕之馬交魚生海中形似鱸其膚黑色無
鱗有斑逢春社而生一名社交魚銳鬣燕尾經宿則腐
鯧魚一名昌侯魚縮項扁身似魴而短鱗細肉白生海
中以其與諸魚匹故名河豚須暮春柳花飛時始肥吳
人珍之石首魚一名黃魚一名洋山魚蓋洋山所出也

能鳴網師以長竹筒插水聽之聞其鳴則下網每獲至
千餘小者名梅魚頭大于身亦呼為梅大頭出四明梅
山洋或曰梅熟魚來也蒲魚或曰鱖魚也尾如蛇口眼
不相營鯢今之河豚狀如蝌斗眼能開閉其腹無胆頭
無腮故肝最毒其出有時率以冬至後來每三頭為一
部 國策宋玉對楚王問曰鯨魚朝發崑崙之墟暴鬻
于碣石夕宿于孟渚夫尺澤之鯢豈能與之量江海之
大哉 賈誼弔屈原文曰彼尋常之汙瀆兮何以容吞
舟之魚橫江湖之鱣鯨兮固將制夫螻蟻 木華海賦
曰魚則橫海之鯨突兀孤遊喻波則洪連踈踏吹澇則

百川倒流巨鱗刺雲洪鬚插天頭顱成嶽流膏成淵
郭璞江賦江豚海豨豚似猪鼻中有聲胸上有孔噴水
多脂膏海豨體如魚頭似猪又又龍鯉一角又或
曰豚將風則湧故俗以豚識風鹿舂象鼻虎頭龍顏鱗甲堆錯煥明錦斑揚鬣掉尾噴
浪飛涎 吳都賦曰雙則比目片則王餘 又長鯨吞
航修鯨吐浪 郊居賦曰赤鯉青魴 西征賦曰華魴
躍鱗青鯢揚鬣

淵鑑類函卷四百四十一

淵鑑類函卷四百四十二

鱗介部六 魚

魚二

原帝王世紀曰黃帝出遊洛水之上見大魚殺五牲以
醮之天乃其雨七日七夜魚流始得圖書今河圖帝視
萌之篇是也 **增**河圖挺佐輔曰黃帝至於翠瀉之川
有大鱸魚折溜而至五色畢具魚汎白圖蘭葉朱文以
授黃帝名曰錄圖 詩正義中候云湯沈璧洛水黃魚
雙躍出躋于壇化為黑玉 **原**史記曰武王渡河中流
白魚躍入舟中武王俯取以祭 **增**述異記曰關中有

金魚神云周平二年十旬不雨遣祭天神俄而生涌泉
金魚躍出而雨降 **原**尚書中候曰桓公欲封泰山管
仲曰昔者聖王功成道格符瑞出乃封泰山今比目之
魚不至鳳麟不臻不可封也 **晉**吳地記曰闔閭十年
東夷侵吳吳王親征之逐之入海據沙洲上相守月餘
時風濤糧不得渡王焚香禱之忽見海上金色逼海而
來遠王所百匝所司撈得魚食之美三軍踴躍夷人不
得一魚遂降吳王以鹹水醃魚腹腸與之因號逐夷王
歸會羣臣索餘魚俱已曝乾其味美因書美下著魚是
為鯿字魚作金色不知其名見腦中有骨如白石號為

石首魚

博物志曰吳王江行食鱠有餘棄於中流化

為魚今魚中有名吳王鱠餘者長數寸大者如筋猶有
鱠形 **原**爾雅曰東方有比目魚不比不行其名曰鰈

江東呼為王餘

昔越王為膾剖而未切墮落於水化為魚 吳

越春秋曰越王既棲會稽范蠡等曰臣竊見會稽之山
有魚池上下二處水中有三江四瀆之流九谿六谷之
廣上池宜於君王下池宜於臣民畜魚三年其利可以
致千萬越國當富盈 蕭廣濟孝子傳曰陳元太子也
後母謗之陳侯令元自殺元投遼水魚負之以出元曰
我罪人也故求死耳魚乃去 **晉**孔叢子曰子思居衛

衛人釣於河得鰥焉其大盈車子思問之曰鰥魚魚之
難得者也子如何得之對曰吾始下釣垂一魴之餌鰥
過而弗視也更以豚之半體則吞之矣子思喟然曰鰥
雖難得貪以死餌原說苑曰楚王謂淳于髡曰吾有
鱸在吳子寧能為我報之乎對曰臣來見道旁野人持
一頭魚上田祝曰高得萬束下得千斛臣竊笑之以為
禮薄而望多也新序曰楚人有獻魚於楚王曰今獲
魚食之不盡賣之不售棄之又惜故獻之左右曰鄙哉
辭也楚王曰子不知漁者仁人也蓋聞困粟有餘者國
有餓民後宮多幽女者下民多曠夫皆失君人之道故

厨庖有肥魚廐有肥馬民有飢色寡人間之久矣未能
行也漁者知之其以此諭寡人且今行之矣故漁者一
獻餘魚而楚國賴之淮南子曰詹公之釣千歲之鯉
莊子與惠子觀魚於濠梁之上莊子曰儵魚出遊從容
是魚樂也惠子曰子非魚安知魚之樂莊子曰子非我
安知我不知魚之樂史記曰魏王與龍陽君共船而
釣龍陽君得千餘魚而涕下曰臣之始得魚也臣甚喜
後得益大臣欲棄前所得矣今以臣之凶惡也而得為
王拂枕席夫四海之內其美人亦甚多矣聞臣之得幸
於王也畢褰裳而趨王矣亦曩臣之所棄前魚也風

俗通曰城門失火禍及池中魚舊說池中魚人名姓居
近城城門失火延及其家中魚燒死按百家書曰宋城
門失火因汲池水以沃灌之池中空竭魚悉露死喻惡
之滋并中傷良謹也 符子曰太公涓釣於隱溪五十
有六年而未嘗得一魚魯連聞而觀焉太公涓跪於隱
崖不餌而釣仰詠俯吟暮則釋竿其膝所處若背其跗
觸堦若路魯連曰釣本所以在魚無魚何釣太公涓曰
不見康王父之釣乎涉蓬萊釣巨海摧岸投綸五百年
矣未嘗得一魚方吾猶一朝耳 史記曰始皇使方士
徐市等入海求神仙數歲不得恐譴乃詐曰蓬萊藥可

得嘗爲大鮫魚所苦願得善射者與俱見則以連弩射
之始皇乃令入海者齎捕巨魚具而自以連弩候大魚
出射之至之罘見一巨魚乃射殺之 陶朱新錄曰河
陰南廣武山漢高皇廟在其麓殿前有八角井曰漢泉
井中三魚金鱗一黑一如常一 邊鱗肉與骨皆無獨
其首全與二魚並遊水中但其遊差緩不復有揚鬣撥
刺之勢至今尚存俗傳漢高皇庖人治魚及半而楚人
至倉皇棄魚井中而遁耳 辛氏三秦記曰昆明池人
釣魚絕綸而去夢於漢武帝求去其鈎明日帝遊於池
見大魚銜索帝曰昨所夢也取而去之帝後得明珠

三輔決錄故事曰武帝作昆明池學水戰法帝崩昭帝
小不能征討於池中養魚以給諸陵祠餘給長安市市
魚乃賤 **增**西京雜記曰昔人有遊東海者飄泊一孤
洲共侶歡然下石植纜登舟煮食食未熟而洲沒在船
者斫斷其纜船復飄蕩向者孤洲乃大魚也掉尾揚鬣
吸波吐浪而去疾如風雲 **原**漢書曰宣帝元康四年
神魚舞河 謝承後漢書曰會稽陳囂少時於郭外水
邊捕魚人有盜者囂見避於草中追以魚遺之盜慙不
受自後無復取焉 **增**宋志曰漢章帝元和三年車駕
北巡祠北嶽見黃白氣有神魚躍出十數 **後漢書**曰

左慈字元放在曹操坐操曰恨少吳松江鱸魚耳慈因
求銅盤貯水以竹竿餌釣于盤中須臾引一鱸魚出操
曰一魚不周坐席可更得乎乃更餌釣沈之須臾復引
出皆長三尺餘生鮮可愛操使就前鱸之 **原**魏志曰
文帝欲受禪赤魚遊於露鑊 汝南先賢傳曰葛孝先
見遺大魚者孝先謂暫煩此魚到河伯處魚主曰魚已
死孝先曰無苦以丹書紙納魚口中擲水中有頃魚還
躍上岸吐墨書青黑色如木葉而飛又孝先與吳王坐
樓上見作請雨土人孝先曰雨易得耳即書符著社中
一時之間大雨流潦帝曰水中有魚乎孝先復書符擲

空中須臾有大魚數百頭使人治食之 又介象與吳
王論鯢魚爲上乃於殿庭作坎汲水滿之并求釣象起
餌之須臾得鯢魚帝驚喜乃使厨人切之象又往蜀市
薑有頃而反 蕭廣濟孝子傳曰巴郡杜孝役在成都
母喜食生魚於官得生鱗截竹盛魚二頭沈水中曰我
母如得此婦出渚得之笑曰是我婿寄乃以進母 **增**
晉書五行志武帝太康中有鯉魚二見於武庫屋上
世說曰郝隆爲桓公南蠻參軍三月三日會作詩曰陬
隅躍清池桓問陬隅是何物荅曰蠻名魚爲陬隅桓曰
作詩何以作蠻語隆曰千里投公始得蠻府參軍那得

不作蠻語 幽明錄曰成彪兄喪哀悼結氣晝夜哭泣
後釣於湖經所共飲處釋綸悲感有大魚跳入船中俯
視諸小魚彪仰天號慟俯而見之悉放小魚大者便自
船躍出 搜神記曰謝紉嘗食客以朱書符投井中有
一雙鯉魚躍出即命作膾一坐皆徧 又彭蠡湖側有
鄉人李進勅者以販魚爲業一日販魚於金陵夜泊三
山之浦夜間偶步岸側聞船內有千萬人念佛誦經聲
驚而察之乃船內魚也因悉放於江中後溺水見大魚
數百頭於足下乘之乃得登岸 搜神後記曰謝允從
武當山還在桓宣武座有言及左元放爲曹公致鱸魚

者允便云此可得耳求大甕盛水朱書符投之俄有一
鯉魚鼓鬚水中 崔鴻十六國春秋前涼錄曰金城太
守胡勗叛張軌遣都護宋毅治中令狐瀏討之濟河中
流白魚入船瀏曰魚鱗物敵必解甲歸我矣勗請降軌
宥之 沈約宋書曰明帝泰始二年幸華林園天淵池
白魚躍入御舟 青田志曰謝康樂守永嘉遊石門洞
入沐鶴溪旁見二女浣紗顏貌娟秀以詩嘲之曰我是
謝康樂一箭射雙鶴試問浣紗娘箭從何處落二女邈
然不顧又嘲之曰浣紗誰氏女香汗溼新雨對人默無
言何自甘良苦二女微吟曰我是潭中鯽暫出溪頭食

食罷自還潭雲踪何處覓吟罷不見 三峽記曰明月
峽中有二溪東西流宋順帝昇平二年溪人微生亮釣
得一白魚長三尺投置船中以草覆之及歸取烹見一
美女在草中潔白端麗年可十六七自言高唐之女偶
化魚游為君所得亮問曰既為人能為妻否女曰冥契
使然何為不得遂諧伉儷後三年忽曰數已足矣請歸
高唐亮曰何時復來荅曰情不可忘有思當至其後一
歲三四往來不知所終 襄陽耆舊傳曰峴山下漢水
中出鮪魚肥美嘗禁人採捕以槎頭斷水謂之槎頭鮪
宋張敬兒為刺史齊高帝求此魚敬兒作陸臚船置魚

而獻曰奉槎頭縮項鱸魚一千六百頭 南齊五行志
曰永明九年鹽官縣石浦有海魚乘潮來水退不得去
長二十餘丈黑色無鱗未死有聲如牛土人呼為海鷲
取其肉食之 梁書曰南郡太守劉之亨嘗夢二人姓
李詣之乞命未之解也其明日仲夏有遺生鯉魚二頭
者之亨曰必夢中所感也乃放之其夜又夢來謝云當
令君延壽 高僧傳寶誌對梁武帝食鱸帝曰朕不知
味二十餘年師何必爾誌乃吐出小魚鱗尾依然今金
陵鱸殘魚是也 南史曰始興人盧度有道術屋前有
池養魚皆名呼之次第取食 後魏書曰高祖幸清微

堂因之流化池高祖曰此池中亦有魚在任城王澄曰
此所謂魚在在藻有頌其首高祖曰且取王在靈沼於
物魚躍 冀州圖經曰太和三年文明太后馮氏幸金
河府摩磷宮湯泉釣得鯉魚一雙皆長三尺以黃金鎖
穿腮放於池內後皆長五尺沈泛相從正光元年五月
五日天清氣爽聞池內鏘鏘聲水中驚沸須臾雷電其
一浮天化五色虹而去久之乃滅一在池中至孝昌元
年六月行臺元淵北伐損此決池取魚鱗甲非常淵令
殺之得金二斤八兩淵明年為葛榮所殺 邢子勵地
記曰元魏延興初文安人孫願捕魚於五渠水中有羣

魚從西來共以柴塞之忽有人謂願曰須臾當得大魚
若欲多求宜勿殺也後願下網果得大魚其狀如鯉而
大願以為貴物遂殺食俄頃風雨晝晦聞飛鳥聲比風
息雨霽有人乘船至者見羣魚無數飛入於海願遂不
復漁矣因呼入海之處為飛魚口 顏氏家訓曰江陵
高偉隨顏之推入齊地凡數年向幽州涇中捕魚見羣
魚嚙之而死 大業拾遺記曰大業四年梁郡有清冷
水面濶二里許南有橫瀆西入通濟渠是時多雨溝渠
皆滿忽有大魚似鯉而頭一角長丈餘鱗正赤從清冷
水出頭長三尺許入橫瀆逆流西北十餘里不沒入通

濟渠夾岍隨看者數百人皆謂赤龍大鯉從淵而出此
亦唐祚將興之兆 避暑錄話大業中吳郡送太湖白
魚子種置苑內海中水邊十餘日即生其法取魚產子
著菰蔣上者刈之曝乾即乾而復生不解其故 酉陽
雜俎曰唐朝律取得鯉魚即宜放仍不得嘑號赤鯉公
賣者決六十 唐書曰太宗觀魚於西宮見魚躍焉問
其故漁者曰此當乳也於是中網而止 玉海曰景龍
三年春二月明皇至於襄垣漳水有赤鯉騰躍靈皇之
瑞也潘炎作賦 唐書曰開元中衢州獲魚有銘裴光
庭等奏賀曰魚龍為圖河洛所出比之盛時彼何足云

張九齡賀曰魚為龍象既彰受命之元銘作久文更表
錫年之永 又開元七年大拂涅鞞鞞獻鯨鯢睛 林
下詩談曰貞元中有周存者性喜放生嘗放一鯉魚戲
為詩極佳末云儻若成龍去還施潤物功後入試題為
白雲向空盡詩既成苦於無結忽憶鯉魚詩因改二字
云儻若從龍出還施潤物功遂得通籍 唐書曰韓愈
初至潮州問民疾苦皆曰惡溪有鱷魚食民畜產且盡
民是以窮數日愈為文祝之祝之夕暴風震電起溪中
數日水盡涸西徙六十里自是潮無鱷魚患 白孔六
帖曰元和十四年二月書有魚長尺餘墜于鄆州市良

久乃死魚失水而墜於市敗滅之象也 劇談錄曰李
德裕有巨魚脅骨一條長二丈五尺其上刻云會昌二
年海州送到 白孔六帖曰光啓二年揚州雨魚 朝
野僉載曰郴州刺史王琚刻木為獺沈於水中取魚引
首而出蓋獺口中安餌為轉關以石紐之則沈魚取其
餌關即發口合則啣魚石發則浮出矣 五行記曰唐
杭州富陽縣韓珣莊鑿井纜深五六尺土中得魚數千
頭土有微潤 又唐封令稹任常州刺史於江南泝流
將木至洛造廟匠人截木於中得一鯽魚長數寸如刻
安之 靈應錄曰霅溪有漁人將箬籃捕魚往收之際

見一鱧長數尺枕於簞上將鐵叉鑿之不中看簞內有小鱧漁者思之此俱是其子未取之隱於葦叢再候大者良久至游泳簞外求出其子漁者忽悟曰常聞殺鱧益罪乃謂其魚曰若有變異當放爾子其魚乃吐一條黃氣上有一僧長數尺其氣高二丈餘頃而沒漁者駭然遂開簞放其子相引跳躍漁者棄業於金山寺為僧至今存焉 雲仙雜記曰揚州太守閻丘惠會僚友於轉沙亭集境內漁戶令曰所得魚多者有金帛之賞有一漁人以肉物作塊散懸於網上取魚倍眾力凡十網得魚三千六百無甚小者眾慙而退太守詢之曰魚喜

鹿胎之香適散懸者乃此物也下網名之萬魚畢聚矣南康記曰南康有狂人周可大見魚必置數十頭食餘棄於几上人謂隨即臭腐可大以手摩之皆為石魚後年餘友人訪之見其紙裹石魚煨以啖客新香不異常魚 蜀普錄曰東川降魔寺僧吉祥魁梧多力受飯五鉢日夜誦經九函池中魚知其數以名名之皆出水面使去即沒 夢溪筆談曰越州應天寺有鰻井在一磐石上乃一石竅也鰻時出遊人取之置懷袖間了無驚猜如鰻而有鱗兩耳甚大尾有刃跡相傳曰黃巢曾以劍刺之凡鰻出遊越中有水旱之災 五代史補曰

王審知遺推官黃滔魚徐演代為謝啓曰卸諸斷索纜
從羊續懸來列在雕盤便到馮驩食處時大稱之 五
代史曰道士李道殷有釣魚術釣而不餌 委巷叢談
曰錢氏時西湖漁者日納魚數觔謂之使宅魚其捕不
及數者必市以供頗為民累一日羅隱侍坐僻間有磻
溪垂釣圖武肅王索詩隱應聲云呂望當年展廟謨直
鉤釣國更何如若教生在西湖上也是須供使宅魚武
肅大笑遂蠲其租 清異錄曰京洛白鱈極佳烹治四
方罕有得法者周朝寺人楊承祿造脫骨獨為魁冠禁
中亦宣索承祿進之文其名軟釘雪籠 歸田錄曰真

宗朝歲歲賞花釣魚羣臣應制一歲臨池久之御釣不
獲時丁謂應制詩曰鶯驚鳳輦穿花去魚畏龍顏上釣
遲羣臣皆以為不及 玉照新志曰嘉祐末有人攜一
巨魚入都能人言號曰海多人爭觀之亦嘗召至禁中
帝自為一詞曰海多風錯被漁人下網打伴將我在帝
城中每日教言語甚時節放我歸去龍王傳言道這裏
思量爾千回萬度螃蟹最恓惶鮎龍憂慮於李氏園作
場躍入池中不復可獲是歲黃河大決水入都城壞民
屋宇數百家 東坡志林曰眉州人任達嘗言少時見
人家畜數百魚深池中沿池磚甃四周皆屋舍環遶方

文間凡三十餘年日加長一日天清無雲池中忽發大聲如風雨魚皆湧起羊角而上不知所往疑此魚圈局已久日有騰拔之念久而自達理自然耳 韻語陽秋曰臨安六和寺後池有鯽魚金色蘇子美有詩云沿橋待金鯽竟日獨淹留蓋其出有時也自子美後四十年東坡始遊此寺嘗投餅餌以待略出不食復入東坡曰此魚難進易退而不妄食宜其壽四十年如此 宋紀曰趙鼎謫珠崖自雷州浮海而南顧見洪濤間紅旗靡靡相逐而下疑為海寇或外國兵革呼問舟人舟人搖手令勿語恐怖之色可掬惶遽入舟披髮持刀出蓬背

上割其舌出血滴水戒令閉目危坐凡經兩時頃聞舟人呼曰更生更生頃所見者巨鱗也能吞舟即舟人平生未嘗見 宋五行志曰紹興十八年漳浦縣崇明鹽場海岸有巨魚高數丈割其肉數百車剗目乃覺轉鬣而傍艦皆覆 夷堅志曰紹興二十年四月秀州海鹽縣並海之民未晚將趨縣忽聞海中謳歌之聲謹沸盈耳驚而東望遙觀大舟從洋波間來頃刻抵岸則元非舟艙乃一巨鯁因閣沙上時時揚鬣撥刺額上有竅徑尺其中空經日有架梯躡其背者兩日尚能掉尾轉動遭壓死者十人或疑為謫龍雖得肉弗敢食一無賴

子先煮嘗之云極珍美于是厥價斗貴至持入州城每斤錢二百涉旬乃盡縣宰祝次騫命取其目睛大如桃光彩可鑑儼然雙明珠也凡數日水滴盡而枯頷骨長二丈五尺縣後溪澗二丈祝遣人輿致用以為梁每脊一節堪作白搗米 程史曰今中都有豢魚者能變魚作金色鯽為上鯉次之貴游多鑿石為池寘之簷牖間以供玩問其術秘不肯言或云以闡市洿渠之小紅蟲飼凡魚百日皆然初白如銀次漸黃久則金矣未暇驗其信否也又別有雪質而黑章的爍若漆曰玳瑁魚文采尤可觀逆曦之歸蜀汲湖水浮載凡三巨艘以從詭

狀瑰麗不止二種惟杭人能餌蓄之 白雲時議曰金國有一太守得巨魚令庖人烹焉熟而薦之求魚之舌庖人曰魚元無舌不信其說疑其竊而食之鞭背數十 輟耕錄曰元至正中上海縣牧羊兒聞頭上恰恰有聲仰視之流光中墮一魚自首至尾根僅盈尺是日晴無陰雲亦無鵬鶴之類是可怪也橋下一民家取鹽而藏之來者多就觀焉或曰志有云天隕魚人民失所之象 明興雜記曰帝潛龍時漁于川一日獲鯉三十五置之一笊箸有陳四者來共語又戲以漁罩罩躬躬既而上持魚還舍啓視已失其五知為陳竊往問之陳諱

居水中以食魚為木
唐闡吳都賦鱗鱗為木
三尺背上有甲珠文堅強
山海經燕山漳水出焉其
青毒皮可以春來秋化
飾刀劍口張勃吳錄婁縣
種也魚至秋化為鳧
有石首魚也孫綽望海
賦王餘孤戲比孫綽望海
懶大如犢子毛青黃色
千歲者如鱣知潮水上
吸水移時金溪記曰孫願
食鹿化虎嶺表錄異鱈魚
害人南方鹿多懼此物鹿
下鹿必怖懼落崖多為所
骨雷秋化為虎三爪出南海
雷二州
易長能變

陶朱公養魚經所以養鯉者以不相食易長又貴也
學林二四為六六者老陰之能變者也鯉三十六鱗六
湖故為在地之神化飛越山不反白如抹朱神農書
盧全觀放魚歌老鯉變化困鱗不反白蓋健魚也唐
膽如石目成珠上詳南鯨魚之目夜可以鑿謂之
夜光又曹毗賦散喪成島
魚四

原聽琴鱈魚已鼓琴置帛陳勝以丹書帛曰陳勝王字
得感孝泣於冰上冰忽開有雙鯉躍出買者烹之
三泰氏戲蓮古詩魚戲在藻詩矢於棠魚傳公矢
在于沼詩魚在于沼亦非克樂登龍下登者化龍不登者點

鱈介部
淵監貢
卷四百七十一
魚

額暴 畏鶉 莊子魚不畏網而 為魯 古語云事歷終

去乙 骨如乙字 咸若 咸魚 不滄 龍 腹疾 魚腹

疾奈 網漏 竭澤 魚恐後無魚也 脫泉 魚可脫

泉 掉尾 水濁則無 奮鬣 鼓 就食 史記河魚大上

食 往觀 傳公將如棠觀魚者遂 莘尾 有莘 頌首

有頌 吞釣 歸田賦貪 遊釜 後漢張嬰詣張綱降

芳餌 陰符 芳餌之 敞筍 詩敞筍在梁 吞舟 吞舟之

水 葬腹 寧葬江 陽鱈 而吞者陽鱈也其為魚慄而

無味 必于至單父迎者冠蓋交于道宓子曰此陽 小

鮮 治大國若 不大 水煩則魚 不出 詳二食 不獻

水潦降不 不驚 禮魚斃不中 涵泳 行 唵噉 水濁

獻魚斃 發發 詩鱣 鮪 洋洋 孟子少則 取常直 任

賣魚會官發魚魚價 禁澤 沈 禁澤之 螻蟻能制 子

曰吞舟之魚失水 江湖相忘 又曰水涸魚相與處于

不若相忘 濠梁之樂 莊子車轍之窮 莊子侯曰周昨來

於江湖 中 有 鮒 焉 曰 我 東 海 之 波 臣 也 君 豈 有 升 斗 之

水而活我 周曰待我決西江之水而活汝 可乎 鮒曰如

君言 不 如 早 索 紫 鱗 頰 尾 詩 並 毛 摯 應 星 星 經 天

我於枯魚之肆 從月 正字通坎為水為月魚水族

明則海出大魚 濯錦 王符實貢篇 寄書 古樂府客從遠方

腦減 則 濯錦 濯錦以魚 寄書 來遺我雙鯉魚呼

兒烹鯉魚中 守夜 其不瞋目守夜之義也 知更

有尺素書 守夜 其不瞋目守夜之義也 知更

鱗介部 守夜 其不瞋目守夜之義也 知更

開盤類函卷四十四

魚

採蘭雜志曰薛若社好讀書往往徹夜一日遇此丘告
之曰夜半不臥非延益之道因就水中捉一魚赤色與
薛曰此謂知三更魚夜中每至一更則為之一躍薛蓄盈
中置書几至三更魚果三躍薛始就寢更各曰代漏龍
搖尾陳師道詩魚窮矜鱗矜鱗也魚冷仰水鐵
論民之仰政負冰月令孟春之衝岸鱗杜甫詩紫
猶魚之仰水躍淵詩衝岸鱗杜甫詩紫
蟠泥陳師道詩大魚躍淵詩縱海巨魚之縱大
暴腮尸子曰龍門魚之難也蓋河津一名龍門兩旁
上輒暴腮木次故曰暴腮龍門善為魚者不燒尾魚
求為龍望禹門輒退是無暴腮點額之患燒尾魚
龍門必雷神與燒懷珠天元年生無復腮腦上有汗鬚
其尾乃得成龍懷珠十年則無復腮腦上有汗鬚
紫色眼當紅孕瑒江賦文鮒孕瑒山海經文鮒
色口赤色孕瑒江賦文鮒孕瑒山海經文鮒
腹有古鏡樓望沅江之濱有光若殘星焉令親信棹

小舟直至光所乃釣船中也詢彼漁者曰適獲一鯉光
明無之親信乃携鯉而來既登樓公命庖人剖之腹中
得古鏡二如古錢大一而相合背則隱起雙龍脊出
雖小而鱗鬣爪角悉具既磨瑩後遂常有光輝脊出
金釵文記事珠寶應中西陽人見金釵一雙長六七寸
芒草毒其山海經曰芒草有木其狀如棠而赤葉柳葉化
酉陽雜俎開成末城南百姓王莊有小池池邊食
巨柳落葉池中旋化為魚大小如葉食之無味
楊花魚則食楊飽棟子魚池傍宜樹棟木則穉龍
立談鯉一沈虎詞林海錯沈虎有睫西陽雜俎
名釋龍沈虎詞林海錯沈虎有睫西陽雜俎
二目不同連鱗白鬚腹無腮忽暴中病眾醫拱手
下有丹字者並殺之曰此中釋小淮南子季子治
人道士王彥伯視之果然釋小淮南子季子治
無腮魚毒也試之果然釋小淮南子季子治
衣短褐易容貌往觀化焉夜見得魚者釋之何也
曰凡人所為漁者欲得魚也今而釋之何也
魚

也尋習其泥厭其喜睡江隣幾雜志販鱒者置鯀云
清水性首健善擾寓簡沈作詁嘗迎親海上至補陀山望見
海湧東下問舟人曰此大魚耳旌旗如軍行數萬騎者
者蓋鱗鬣也須臾稍近山石為之震動賜成刀槩組
東海漁人言近獲魚五六尺腸宜鯉宜鮐
胃成胡鹿刀槩之形號秦皇魚
貴於牛羊言洛以渾深出興出鮐二廣興志沔陽水有
宜鯉伊以清淺宜鮐也
曰濁檢清水出鯨潮則水溢謂之鮐出穴
鱒濁水出鮐言鯨石廣興志鯉謂之鮐出穴
鱒如山之吐翁言鯨石廣興志鯉謂之鮐出穴
大魚如山也鯨石廣興志鯉謂之鮐出穴
為鱒堂楊震傳有雀象也鯨石廣興志鯉謂之鮐出穴
石鱒堂楊震傳有雀象也鯨石廣興志鯉謂之鮐出穴
升穴處詳上鯨岫居而浮陽北入河西上龍門入
矣漆沮見日潮注魚之先至者長七八尺
長鼻體無鱗甲味不如鱒大者長七八尺

埤雅語居就糧梁水魴蓋
今遼東梁水之魴特肥躍
腴青鱗朱撥刺曰撥刺
尾錄張洞為淮南轉運使夢人通謁曰
池州李長史後池中得大鯉即夢也
記其健魚網不能制俗呼為河伯健兒
廣要魚生流水中則背鱗黑味惡
美生止魚而鱗細于鯉赤眼好獨行
又曰鯉魚而鱗細于鯉赤眼好獨行
之故制字從與亦旅吹沫如星以相制字從尊始以此也
舟之部手一算囊隋水囊中五尺其腹中得陸水之囊
水泛溢得鍾乳消盡其魚得脂數十斛
金鉞尚在鍾乳消盡其魚得脂數十斛
時人異之故平原高苑城東有魚津云
志廖光圖與伊岳道士昌探懷得一木獺之
鱗介部水暴漲不可得用昌探懷得一木獺之

崇鑑類函卷四百五十二

魚

手

三祝之投於江中須臾波浪騰沸遂
擒一巨鱗出因取作鱸母食而愈
剛山鑿鑿洛水庸庸 三色 鱗又曰每憶
王會 有楊州禹禹 鱗宗元詩沈 織鱗尺澤
色上 文鱗 景照文元詩沈 織鱗尺澤
史佚 作魚 魚符 符瑞為耳目記唐以鯉魚為
書以 紀瑞 魚符 符瑞為耳目記唐以鯉魚為
志天 漢南三星 魚倉 熟嘉郡記青田溪冬天水
曰咸 池魚 圍也 魚倉 熟嘉郡記青田溪冬天水
魚拾 遺記 仙人 窰封 食飛 瓊魚 漢武內傳
芝之 肉 重鱗 魚 湖廣石門縣東陽山水中魚
指出 于山 溪背 偃而 腹平 其大 如
指常 貼于 石上 土人 取之 為腊
若插 箭然 味似 土人 取之 為腊
河豚 名戴 帽魚 小艇 張燈 艇中 魚見 燈光 輒

上艇須臾而盈多則去
燈否則小艇不勝載矣
洲春夏此魚跳
出洲化為鹿
可復行傍有穴多出鸚鵡魚能化龍故云
而紅似鸚鵡背相傳此魚能化龍故云
州常以八月化為雀
十月後入海化為雀
藿葉魚 細點冰盤 麥魚 其形銳小似麥可愛東流
至石人瀨下形漸大越此則 油魚 在雲龍州南二十
化蜻蛚飛去里人最珍之
僅二寸至十寸
月望則絕焉
相類又名邵陽魚 地青魚 能中人刺甚長逢物則撥之毒
鼠尾魚產象山 黃蠟魚 即金湖之鱸魚頭美而鱗
或煎魚夜即 棘鬚魚 宋志其鬚赤如棘故呼棘鬚魚
有光如籠燭 棘鬚魚 宋志其鬚赤如棘故呼棘鬚魚
首首味如籠燭 棘鬚魚 宋志其鬚赤如棘故呼棘鬚魚
十月此魚得時正月以後則味不可食
鱗介部 鱗介部 鱗介部

鱗介部

五

原

麗留

詩魚麗于

施眾

滅

忘筌

莊子筌者

尺形如

得魚而

斷罟

國語魯宣公

濫于泗泉

注溫清

取魚

魚

忘筌

斷罟

國語魯宣公

濫于泗泉

注溫清

取魚

魚

我過矣

而里革

我亦善

注鯤

小魚

公曰

鴻離

鴻則離

之設

獺祭

人入澤

梁

時籍

驚人

取之

夜捕

陶侃

將吳寄

救荆州

曰書

九罟

取之

魚鱗

百金

觀魚

登來

也

臨河

登來

美大之

辭也

注張網

羅也

取

臨河

公去南

面遠與

人爭利

便遠

觀之

取

臨河

結網

而

入水

天子嘗

魚

季冬

命有司

諸蓋

取

亂于水

取既

有時

殺宜

中禮

俾遂生成

勿令暴殄

增

朝船

陸龜蒙紫溪翁歌

船有

晚習

宋徐積詩就淮

觸綸

吳都賦曰文鯉

黏微

潘岳曰貫腮

獨尾掣三牽

兩弛

青鯉而觸綸

桂餌

為餌黃金為

垂翡翠之綸

竹竿

篲篲竹竿

渭濱

呂望釣于渭

濮水

莊子釣魚

無餌文子釣魚

餌

維絲

其釣維何

守坻

守坻魚不得由

釣

于子

釣富春

嚴光字子陵

漢光武時釣

澤

任公之術

莊子任公為大

釣以

嚴陵釣臺

且有大

魚牽巨鉤

任公得其魚而

詹何之

能列于詹

鱗介部

尚盤類函卷四十四

魚

魚

魚

